


國史畧

二

リ付5
1.01P
2



門 5
號 1318
卷 4



國史略卷之二

從五位下行大舍人助兼音博士源朝臣松苗編次

文武天皇天武天皇太子草壁之子也幼名珂瑠

初草壁薨後議立太子太子衆口不決葛野王曰今有先太子

之子豈以庶兄弟亂嫡孫乎於是遂立為皇太子皇太子受讓尊

前帝為太上天皇見水鏡及歷代皇紀傳位及太上天皇號

而多治比島右大臣如故始于一持統天皇○前帝之稱從保建大記

勢伊勢○三年流優婆塞小角於伊豆大島小角大和茆原人號曰

役行者其弟子韓廣足告其妖邪惑衆乃捕徙之多禰夜久

菴美度感人來貢元多禰鳴在薩摩海中長○始置鑄錢司

四年勅忍壁親王藤原史名撰定律令博士下毛古麻呂伊

四年

三年

二年

立君以正嫡

交王國史各卷之二

文武

五車妻辛

明治卅六年十月廿日購

大寶元年

禮文大備

贈官之始

始釋奠孔子

改製官名位號

伊奈部馬養 ○大寶元年正月朔 帝御大極殿受朝賀百官

班列蕃客陪位設建儀仗禮文大備元日朝賀既見神武天皇元年今又紀其禮備後

不復是歲除田之租稅 ○大納言大伴御行薨贈右大臣始贈官

○二月丁巳始釋奠先聖先師於大學寮永井定宗曰帝世直岐王仁二子始傳經典蓋本邦之儒祖也而未嘗釋奠今帝始祀孔子於

是天下知重儒道後世年年不以此禮 帝於名教其功偉哉

○三月對馬國貢金乃建元曰大寶按先是雖有年號未定者故正統紀以今 ○改製官名位號停賜位冠易以位記親王

自一品至四品諸王群臣自一位至初位初位九位也每位有正

從但初位不曰正從曰大少而四位已下又分上下通為三十

等又定服色及宮室之制位記者告身也先是凡叙位者各賜階冠也官職之制詳見新令即官位職員令也今 ○以大納言

略之 ○正統紀曰宮室衣服至 帝世多摸唐制

五日走馬

二年

阿倍御主人為右大臣諸王群臣進爵有差 ○以粟田真人為

遣唐執節使無位山上億良為少錄億良在唐所作歌見萬葉集 ○五月五

日 帝觀五位以上走馬即今所謂競馬也是紀其始後不復書 ○六月

始置內舍人九十人 ○二年春始頒新律度量於天下 ○多禰

叛遣兵征討薩摩國司言於國內要害之地建柵置戍乃許焉

○八月雷震 日本武尊陵遣使祭之 ○十月 詔上自曾祖

下至玄孫奕世孝順者舉戶給復旌表門閭以為義家 ○始闢

岐蕪山道岐蕪後作木曾 ○三年正月朔廢朝 ○遣使于七道省察政

蹟申理冤枉 ○以三品忍壁親王知太政官事列大臣上 ○慶

雲元年以大納言石上麻呂為右大臣 ○始鑄諸國印 ○詔諸

國兵士團別分為十番每番教習十日務使鍛煉令條之外不

慶雲元年

三年

旌表孝順

三年

三年

三年

得雜使。○七月粟田真人還自唐。真人初適唐。至楚州鹽城縣。

聞革唐稱周驚異焉。是時唐武曌篡。日周彼人曰。我聞日本國人民

豐樂禮義敦行。今視使人儀容高潔。君子國名不虛。既見武曌。

武曌宴之麟德殿。真人素好學。能屬文。冠進德冠。頂有華。薦四

披紫袍。帛帶威儀如神。見者莫不嘆美焉。唐書見○十二月始作

土牛大儺。○慶雲四年四月。小納言正五位下威奈大村卒。苗

按續紀曰。慶雲三年閏正月。以從五位上猪名真人。大村為越

後守猪名威奈國言相同。蓋斯人也。近年大和國堀地得古碑。

題曰。小納言正五位下威奈卿墓誌銘并序。其中有言。卿除越

後城司。臨之以德澤。扇之以仁風。化洽刑清。令行禁止。全文載

之。余家隨筆。○六月。天皇崩。壽二十五。葬安古山陵。在大和

郡。即位之初。年無號者四載。後改元者二。曰大寶。三慶雲四年

在位十一年。天皇自幼好學。博涉經史。能詩并善射。性甚仁

惠。屢賜民田。租免課役。賑恤天災。諸國及天下窮民。與耆老。疫

行國郡。必給醫藥米錢。又旌表孝順。舉廉節之士。禁偏黨制。答

法。禁博戲遊手。遣巡察使。檢察非違。又定朝儀。修禮刑。贊曰。嫡

孫承統。避位受禪。實昉于此。其於太上天皇。朝觀温清。鸞輿

屢駕。養以四海之富。而優游和樂。以終寶筭者。歷世相繼。而然

傳曰。為天子之父。尊之至也。以天下養養之。至也。豈不信歟。方

帝之時。享朴未散。而文明漸開。譬猶春化之新敷。陽曦之將中。

如釋奠於國學。興隆儒教。大寶元會之儀。文物大備。而帝徽

柔懿。恭恩信被於下。民薄海內外。無有所虞。蓋其丕治極盛之

時歟。此雖由帝天質之美。而亦孜孜學術之力也。俾

帝享年之永遠。則惠化所布。將有不止於此者。可勝惜哉。天

智帝女即位。是為元明天皇。

元明天皇。代本根子天津御小名阿閉。天智帝第四女。持統

天皇之妹。先帝之母也。母菰我姪娘。上初為天武皇太

子草壁之妃。先帝崩後。群臣奉遺詔。固請即位。乃聽。時年

元明

始獻銅
和銅元
年

二年
禁私鑄
錢

三年

五年
四年
祈年祠

和銅元年

四十七。○和銅元年。武藏國獻銅名年。大赦天下。賜耆老粟。百

以上三斛。九十以上。二斛。八十以上。一斛。後。旌表孝順節義男

女。賑恤鰥寡。獨不能自存者。○右大臣石上麻呂為左大臣。大

納言藤原史為右大臣。○五月。始行銀錢。先是用銀錢者。蓋異邦

○八月。始行銅錢。○二年。禁私鑄錢。是歲。八月。廢銀錢。○奧越二

國。蝦夷叛。遣將征之。既而平。從軍役夫。賜復一年。又賜天下。今

年。田租。又賜。○三年。三月。徙于平城。地直添上○置左右京坊。

○是歲。詔貸稅租於諸國。二年勿收其利。○唐中宗為其妃

韋氏所弑。臨淄王隆基誅韋氏。奉其父相王旦立之。是為睿宗。

○四年。始置都亭驛。○二月。山城國紀伊郡飯盛山。始建稻荷

祠。祀倉稻魂。大田命。大宮姬三神。祈百穀豐穰。○五年。正五位

古事記

六年

諸國風
土記

孝子

上太安麻呂。上所撰述古事記三卷。○始置出羽國太政官

所建議。割陸奥十二郡為一國。○是歲。唐睿宗傳位其子隆基。

是為玄宗。○六年。割丹波五郡置丹後國。割備前六郡置美作

國。割日向四郡置大隅國。○詔諸國作風土記。○大和國有孝

子許知麻呂者。被後母譖。不得入父家。而無怨色。孝謹愈篤。又

有果安者。父母兄弟之際。人莫得而間。然其妻亦善。事舅姑。已

所生之子。與妻子八人。撫育如一。夫亡守志。鄉里之民皆感而

化焉。○詔旌表門閭。○帝自登極。首行仁政。天災及疫。行諸國

給醫藥。加賑恤。如前朝。帝至元正。天皇養老五年。而崩。年

○贊曰。文武臨崩。聖武尚幼。天下不可一日無君。故請

元明攝行。文武臨崩。聖武尚幼。天下不可一日無君。故請

天位。而皇太子親臨。政然後。元正傳之。皆出於天理之公。而非

元明

元明

元明

元明

八年

有一毫之私其意以為君者民之司牧也豈可使幼弱任主茲其職哉其公天下之心實諸鬼神無疑故能致雍熙之化度越推古持統之治上之所仁漸義靡下之所業以家給戶足凡在人主皆所難能而母儀之德君臨之業可謂偉矣在位

八年傳位一品水高內親王是為元正天皇元正天皇諱水高或云飯高或云新家天武

皇太子草壁之女文武帝之姊也神識深沈言據典禮為內

親王位二品又進叙一品至是年三十六即位改元靈龜即和

獲靈龜也尊前帝曰太上天皇前帝既以文武帝子豐

櫻彥為皇太子帝亦以為嗣石上麻呂藤原史官如故○

二年割河內國大鳥和泉日根三郡置和泉國○始薦皇太

神於宮中名曰神今食後世遵行為永式○養老元年靈龜三年改元

上行幸美濃觀多度山醴泉在當郡以其可去疾養老為瑞名年

二年 神今食 養老元 養老醴 泉

靈龜元

二年 三年

世傳本郡一樵夫至孝其父嗜酒家貧每憂不能給一日入山伐薪蹶路適見石泉色酷類酒掬飲醴酣即便日汲進父上聞以為孝感所致也乃游覽其地名泉大赦天下旌表孝義販日養老因以改元樵夫名源丞內

恤厄窮○二年割越前四郡置能登國割上総四郡置安房國

割常陸六郡置石城國割五郡置石背國○三年始置按察使

巡省諸國○定婦女衣服制○四年以舍人親王知太政官事

○文部石勝官漆部司令史有罪當流坐盜其兒祖九年十二安頭九

乙九七詣闕伏請三人為官奴贖父罪帝感其孝志特命釋

石勝○是歲右大臣正二位藤原史薨史鎌足第二子繼父輔

佐天子嘗奉勅撰定律令養老二年所修頒諸天下贈太

政大臣謚文忠追封淡海公圖贊曰損益李唐律令宜矣兼均

○五年以大納言長屋王為右大臣○帝在位九年改元者

撰定律令 淡海公 五年

今

二日靈龜曰養老。帝至，聖武帝天平二十年而崩，葬大和添

禪弗敢逸豫宵衣旰食，悉心民瘼，飢則賑之，疫則藥之，免調免

役，以至免天下之租，而惠鮮鰥寡，表旌孝義，每有災異，戒慎恐

懼，以求直言，極諫嘉謨，美績史不絕書，蓋一代之良主也。凡

元明，元正二帝內行端潔，至誠惻怛，和煦及物，恭儉仁恕，出

於天性，既富既庶，四海乂安，用能致邳隆之治。雖謂之堯舜

舜可也。後之人主，能體二帝憂勤之心，則堯舜之德，豈

宇宙之無虧矣。萬禪位，皇太子是為聖武天皇。

聖武天皇，豐饒國押開諱美麻斯，或云首養老八年即位，改元

神龜，以獲白尊。前帝曰太上天皇，一品舍人親王益封五百

戶，知太政官事如故。右大臣長屋為左大臣。○陸奧蝦夷又叛，殺

大掾佐伯兒屋麻呂。詔以藤原宇合為持節大將軍，高橋安

麻呂為副將軍，發兵三萬討之。又拜小野牛養為鎮狄將軍，鎮

撫出羽蝦夷。○冬，幸于紀伊國，至玉津島頓宮。詔改名弱

五年

天平元年

歌聖人

禁學異端幻術

二年

濱曰明光浦，置守戶春秋祭王津島神。○五年始置內匠寮。又

置中衛府。○是歲渤海使來聘，初高麗王藏者。天智帝七年

為唐將李勣所擊降之，移封渤海郡王。爾後久不來貢。至是其

主大武藝，上書并方物。渤海來貢。○天平元年，神龜六年二月左

大臣長屋有罪賜死，其室吉備內親王及四子皆自殺。其臣有

大伴子蟲者，後殺兵庫頭中臣東人，日報誣告吾主之讐也。○

三月十八日，大夫柿本人丸卒。平年未詳。一說人丸石見國人，嘗

仕持統，文武兩朝妙于和歌。後歸鄉里，世稱曰歌聖。○四

月，詔天下百姓有學習異端幻術、厭魅咒詛、害傷百物者，首

斬，從流。如有停住山林，託說佛法，封印書符，合藥造毒，萬方作

怪違犯，勅禁者亦同其罪。○二年始置皇后宮職，施藥院。

三年

○三年廢詠方國併信濃國○免天下今年田租之半○始置

七年

畿內總管諸道鎮撫使○四年帝始冕服受朝○始置造客

真備獻

館司○七年遣唐大使多治比廣成還自唐學生下道真備備

聖像

使歸獻孔聖及十哲像唐禮大衍曆等書其他數十物件○是

舍人親

歲一品知太政官事舍人親王薨親王天武帝第三子清原

王修書

氏之祖也少有文才元正帝時叙一品輔翼太子嘗奉

紀

勅修書紀三十卷厥後裔世為明經博士圖贊曰皇子有班馬才脩國史得體裁

九年

垂訓命世令德詔厥明經清職○九年正一位左大臣武智麻呂淡海公第一子世稱南家

藤原氏

正三位參議民部卿房前淡海公第二子世稱北家正三位參議式部卿太

四家

宰帥宇合淡海公第三子世稱式家從三位兵部卿左京大夫麻呂淡海公

稱京家

同病痘薨是歲痘瘡始大行天下死者甚多後世藤原氏苗裔雖多

十一年

皆出此四家也此後皇后及大臣以下百官未入○十一年

冬遣唐副使

平郡廣成與大使多治比氏同名以渤海國聘使而還初廣

成以天平五年

從大使多治比廣成往使事已竣四船同發蘓

州會颶風起

廣成所乘之船漂泊崑崙國從官皆為夷賊所劫

殺廣成等三人

得免再適長安時本邦學生阿倍仲麻呂留仕

于唐奏請給其船糧

乃發自登州經渤海國界其主大欽茂將

聘於我則以其使而還

帝勞廣成授正五位上○十二年廣

嗣伏誅

廣嗣宇合之長子為太宰少貳先是太后病惡見人雖上及親戚

不得進近有僧玄昉者善祈禳

因屢召入為咒病已愈寵賜優

渥後常出入秋宮

頗有醜聲廣嗣上言昉以左道蠱惑太后

上方嚮釋教信昉不疑昉却構廣嗣貶謫

太宰府恚憤遂叛乃

十二年廣嗣伏誅太后寵僧玄昉

十三年
十四年
十五年
獻腹赤魚

授大野東人紀飯麻呂等兵一萬七千安部蟲麻呂卒四千征討之太宰官屬小長谷常人所捕虜賊兵來迎廣嗣聞官軍至發兵卒一萬自將隼人軍至板櫃川與官軍夾水陣編木造筏以濟官軍發弩射卻之佐伯與小長谷氏同名常人等呼曰從叛賊者罪及三族賊兵聞之不復發矢廣嗣立馬軍前問云奉勅來者為誰常人答前軍某廣嗣即下拜曰非敢拒命欲清君側之惡耳常人讓以矯詔發兵符非叛何為廣嗣語塞旋入軍中眾皆潰散乃奔松浦官軍裨將安倍黑麻呂追禽併其弟綱手斬之於是遷玄昉於筑紫數年死于謫所或云為廣嗣所崇○十三年遷恭仁勅名新京曰大養德恭仁大宮恭仁鄉在山國相樂郡○十四年正月陸奧言兩赤雪○十五年正月太宰府始獻腹赤魚

十七年
天平感寶元年
始貢金

舊說景行帝西巡時筑紫宇土郡人釣獲魚獻焉至是歲正月乃始來獻後世元日節會有奏腹赤贊腹赤漢云鱒注既見前○新羅貢調使至筑前責其失禮却之○八月行幸鴨川改名宮川○始置筑紫鎮西府以從四位下石川加美為將軍外從五位下大伴百世為副○十七年復還平城○天平感寶元年天平二年十月陸奧守百濟敬福始貢黃金小田郡所出帝喜奉幣畿內七道諸神告之帝方醉心佛說謂黃金之出寔由佛德乃率皇后太子百官行幸東大寺拜佛自稱三寶奴後稱沙彌勝滿是為天皇披剃之始也○正四位下神祇權少副中臣種德松苗友兄也嘗評此事曰先是有梁主蕭衍淫佛捨身同泰寺自稱三寶奴之事噫蕭衍篡弒之逆賊而畏罪媚佛者固不足辱齒牙餘論也而後世評史者猶譏笑其在人君之位卑屈如是抑我聖武皇帝以天縱之聖一身實為天地神人之主豈做賊行之所為乎蓋一時戲言耳帝之於佛皇斯文所勸誘固非其志也且當時屢遣使于唐命留學生研窮

新羅國史略卷之二

聖武

八

五車樓梓

哲像時風崇儒可知矣夫黃金始出我邦歸之佛德固浮屠氏私言也若謂之聖像始至德化所感亦儒家私言也天地間品物之出氣運所使然何關佛力乎帝喜奉幣畿內七道諸神告之者可謂正禮也聖主本志當如是矣天武帝時對馬

國始獻白銀帝用○帝在位二十五年孝謙帝天平勝寶

五十六葬于佐保山南讓位皇太女是為孝謙天皇陵在大和國添上郡

寶字稱德孝謙皇帝續紀曰出家歸佛更不奉謚因取諱阿閉

又曰高野前帝之女母皇后不比等之女也帝養老二

年為內親王天平十年立為皇太女天平感寶元年即位改

元曰天平勝寶尊前帝曰太上天皇帝亦好佛既立從

太上天皇太后幸東大寺施寺以戶四千奴婢各百人二年再

幸之益封一千戶○元年以大納言仲麻呂兼紫微令當時更

微令○四年禁天下今年殺生○復幸東大寺為大像開眼

天平勝寶元年

四年

大像開眼

一產四子六年七年

之供養百官儀衛一同元日召一萬僧設齋會○下總女子一

產四子賜穀及乳母按先是諸國一產三子者不少皆○六年

復幸東大寺燃二萬燈後於是寺師僧登壇受菩薩戒○七年

改年為載蓋帝一世倣唐○是載唐天寶唐安祿山反明年

陷洛陽玄宗奔蜀其子璵即位於靈武改名亨是為肅宗其二

年祿山為己子慶緒所殺○八載春左大臣正一位攝朝臣諸

兄致仕先是為人所譖帝不信諸兄感悅遂乞骸骨○是夏

太上天皇遺詔以中務卿道祖王為皇太子道祖王者天武

帝孫新田之子也既而被廢初舍人親王之子大炊善大納言

仲麻呂仲麻呂欲大炊為儲嗣譖太子於帝帝方嬖仲

麻呂故信其言右大臣豐成者仲麻呂之兄也以為先皇遺

諸兄薨

天平寶字元年

明治三年七月廿三日
追奉諡號
曰淳仁天皇

囑不可廢矣諫諍弗聽遂立大炊為皇太子○是載前左大

臣橘諸兄薨侍公敏達帝六世之孫初稱葛城王夙有令望嘗

祝諸兄忠亮無私宗室表望以耆德見尊號并手大臣背邑名

公別業○天平寶字改元之年三月寢殿承塵自有文生曰天下太平

詔令天下家藏孝經一本○始置紫微內相以大納言仲麻呂

任之○秋橘奈良麻呂官左大辨憤帝罷仲麻呂私謀廢立事覺

下獄捕其黨黃文王道祖王安宿王大伴古麻呂小野東人大

伴古慈悲等鞫問處罪貶豐成為太宰員外帥○二年傳位於

皇太子是為廢帝

廢帝諱大炊天平寶字二年受禪即位於大極殿群臣上表奉

尊號於上皇曰上臺寶字稱德孝謙皇帝尊太后曰中臺

天平應真仁正皇太后太后諱光明子初皇太子道祖之廢也孝謙

帝召群臣議儲嗣右大臣豐成中務卿永手等請立鹽燒王攝

津大夫文屋珍努左大辨大伴古麻呂等請立池田王大納言

仲麻呂言知臣莫若君知子莫若父唯在聖意所擇已帝

曰宗室之長唯舍人新田部二親王故立道祖為嗣而不循教

誨遂縱淫戲是以廢之今宜擇舍人之子然船王唯薄不修池

田王孝順有闕鹽燒王先帝嘗讓其無禮唯大炊王不聞過

惡宜立之即遣內舍人薩雄率中衛二十人迎上於田村第

立為皇太子時年二十五於是遂即位不改元仍稱天平寶

字二年追上聖武帝尊號曰勝寶感神聖武皇帝○勅紫

微內相仲麻呂中納言石川年足等改易官制太政官為乾政

唯大炊王不聞過惡

改易官制

官三大臣曰大師大傅大保大納言曰御史大夫中衛大將曰
 大尉紫微中臺為坤宮官其他皆更其名是日以仲麻呂為大
 保加賜姓惠美改名押勝稱曰藤原○勅國司交替以六年為
 限每至三年遣巡察使檢校能否舊制任限四年今增加二年
 者其成就治績且省送故迎新之費也○小野田守使渤海還
 始聞安祿山之亂奏言唐大亂勅太宰府嚴防西海○三年
 追尊皇考曰崇道盡敬皇帝○置授刀衛○四年以大保惠
 美押勝為大師○鑄新錢金錢文曰開基勝寶銀錢文曰太平
 元寶○天平應真仁正皇太后崩后淡海公第二女也肌膚
 如白玉有光耀名曰光明子后素好佛嘗勸聖武帝每國
 造國分寺天平九年又造金銅大像即東大寺大佛又置悲田施藥二院以

三年
追尊
人親
王

后
光明
皇

恤餓病者崩年六十合葬佐保陵俗傳太后聞浴室翰濯功
德廣大新建混堂因誓曰願
 手親除千人垢也不問浴者貴賤身自執役既閱九百九十九
人最後有一屬來遍體潰爛臭不可近也后為所願將滿強
 摩其背厲曰惡疾久不痊苦惱巨耐醫曰使入吸膿或除所患
 矣雖其背厲曰惡疾久不痊苦惱巨耐醫曰使入吸膿或除所患
 莫以語人為厲即起曰后莫語人以為阿闍如來除垢妙相
端嚴故大光明后驚喜瞻禮忽然不見乃創阿闍寺於其地
 云松苗曰吮厲妄誕甚矣恐是偽撰附會耳○新羅朝貢不循舊禮詰責却之○五
 年從巡察使奏請令筑紫七國造鎧刀弓箭以修警備○十月
 以修平城宮徙在近江保良宮○十一月以從四位下惠美朝
 攜為東海道節度使從三位百濟敬福南海道使正四位下吉
 備真備西海道使點船三百九十四艘兵四萬七百習騎射陣
 法兼造兵器○六年上御平城中宮院上皇御法華寺先
 是奸僧道鏡為上皇所幸恃寵橫肆帝嘗與上皇言之

小事
天皇行
七年
八年
押勝謀
及伏誅

稍生嫌隙上皇祝髮法召公卿大夫於朝堂詔曰國家大事

賞罰二柄朕親決之其餘小事天皇行之○是歲唐肅宗殂

子倣立是為代宗○七年渤海來貢新羅亦貢調以其禮有闕

却之○是歲賜京畿及七道今年田租○廢儀鳳曆行大衍曆

○正八位上土師島村以賑窮賜位一階○八年押勝謀及伏

誅初押勝得上皇寵擅弄威權及道鏡入侍眷愛日加懼其

遂奪已寵請上皇為都督兵事使詭言簡閱武藝用太政官

符徵諸國兵士聚諸府下將誅道鏡幽上皇大外記高丘比

良麻呂知其謀密告上皇上皇大驚令少納言山村王詣

中宮院收鈴印尋聞押勝遣其子訓儒麻呂邀而奪印急命將

士往援坂上川田麻呂射殺訓儒紀舟守亦射其黨矢田部老

殺之押勝奔近江上皇命藏下麻呂將兵討之押勝經宇治

抵勢多山背守日下部子麻呂及佐伯伊多知等先至燒橋押

勝驚遽趨高島從卒猶有數千乃與其子朝攜真光之子及其

黨立鹽燒王稱帝官軍物部廣成等與戰大破之押勝乘船北

走會逆風旋軍三尾埼佐伯三野大野真木等率兵攻之藏下

麻呂亦尋至夾擊大破之賊又泛湖而遁官軍水陸逼之賊衆

咸潰石村石盾禽押勝斬之妻子黨與皆伏誅鹽燒王亦賜死

於是上皇以道鏡為大臣禪師職掌品秩一曩押勝所革官

名悉復其舊○是冬十月遣兵部卿和氣王左兵衛督山村王

百濟王敬福等以兵圍中宮院侍衛奔散上皇使者促帝

出宮惶遽不及衣履僅與帝母及外戚兩三人步

出宮惶遽不及衣履僅與帝母及外戚兩三人步

出宮惶遽不及衣履僅與帝母及外戚兩三人步

麻上總守當及外戚兩三人步

至圖書寮西北山村王宣 上皇詔廢 帝為淡路公即遷其 國 帝在位六年無罪而被廢是日流舩親王於隱岐池田親 王於土左復豐成官 上皇重祚

高野天皇 續紀 帝重祚後不稱尊號而曰 高野天皇今從 正史所稱世俗前曰孝謙後曰稱德非也而與 皇

極齊明奉二謚於 帝既祝髮歸佛復以 太上皇廢 帝大

炊而自復祚以藏下麻呂為近衛大將賞討押勝之功也 詔

禁人臣家私貯兵器 ○天平神護元年 寶字九 九月淡路公薨 年改元

初 廢帝之遷淡路國也營一小宮幽之防衛甚嚴杜絕出入

廢帝不勝憂憤踰垣而逃佐伯助等率兵邀之明日薨於宮中

壽三十三 光仁天皇寶龜九年 勅賜稱墓曰山陵 ○改授刀衛為近衛府始置內

廐寮 ○八月參議兵部卿和氣王謀反伏誅粟田道麻呂大津

天平神護元年 淡路公薨

大政大臣 禪師 二年

大浦石川永年等坐其黨遠竄 ○更鑄新錢文曰神功開寶與

舊錢並行 ○閏月以道鏡為太政大臣禪師令文武百官拜賀

○二年永年為左大臣吉備真備為右大臣 ○四月有一男子

自稱 聖武皇帝子石上志斐氏所生詰問無實乃遠竄之 ○

六月大隅海立一島新出 ○以丹波人家部人足多出錢穀資

養飢民賜爵二級 ○十月 詔特置一階於正一位之上曰法

王位賜之道鏡令百官禮拜是日授僧圓興法臣位 自前年僧 尼度牒皆

用道鏡印至 光仁帝寶龜 二年復用治部省印如故 ○神護景雲元年二月 幸大學

釋奠先是 文武帝始行釋奠之禮而儀文器制未備真備嘗

西遊親觀唐家典禮於是斟酌古今以定儀制 ○二年七月大

學助教膳臣大丘請稱孔子以唐所追謚文宣王從之 ○旌表

神護景雲元年 幸大學 釋奠 二年 稱孔子 以文宣王

對馬負婦高橋氏賜備後孝子網引金村爵二級復其田租○
十一月創春日四座神殿所祀 大日靈尊天兒屋根命長雷
命齋主命四神也○三年五月不破內親王坐巫蠱放于京外

流水上計志麻呂於土左內親王者 帝之妹為鹽燒王妃鹽
燒以罪死內親王與其子計志咒詛 皇上事覺故及之○九

月從五位下和氣清麻呂 備前藤野郡人嘗任近衛將監兼美濃大掾 以直言被罪
謫於西海先是太宰府主神官阿曾麻呂阿諛道鏡託 神勅

上言曰禪位道鏡天下太平 帝乃令清麻呂詣守佐奉幣道
鏡厲色語以阿曾麻呂之言且曰使予登祚以卿為台鼎不則

有劍耳既出真人豐永遇之于塗以言激之清麻呂感憤而去
往至守佐祝禱通宵歸復命于朝曰臣親受 神勅云我邦開

國史闕 誅阿曾 麻呂之 事罪當 族滅也

和氣清 麻呂直 言

二年

皇太神 託言于 清麻呂

四年

關以來 皇家一系統道鏡何者敢覬覦 神器大逆無道

帝默然文武百官在列者悉失色汗背道鏡慚忿奏曰清麻呂
妄言不敬更名穢麻呂安置大隅國潛遣人途殺之會雷雨不

果百川護救之分俸資給○十月 上如河內升由義為西京
由義宮在河內若江郡 授道鏡俗姓弓削氏數人位既還宮○四年八月

上崩于西宮先是幸由義宮道鏡進異味因疾發既歸不見群
臣百有餘日至是竟不痊 帝深信異教營作伽藍屢興力役

國用不足政刑峻急殺戮濫加在位前後合十六年改元者四
曰天平勝寶天平寶字天平神護神護景雲 皆四字年號 崩年五十

三葬於高野山陵 在大和添下郡佐貴鄉 時道鏡結廬 陵下以居坂上
刈田麻呂知其有異圖速告諸大臣○左大臣永手右大臣真

備近衛大將藏下麻呂等與從四位上百川定策禁中稱奉

遺詔立天智帝孫白壁為皇太子太子言道鏡之罪當

極刑矣然先帝所寵不忍誅之乃徙諸下野國為造藥師寺

別當別當者別當于一職事之名也後皆倣此○松苗曰大

至刑寔萬世之遺憾也流其弟月削淨人及淨人子廣方於

土左召和氣清麻呂還京皇太子嗣位是為光仁天皇

光仁天皇高又號天皇諱白壁天智皇子施基之子母紀氏贈

太政大臣諸人之女也天平勝寶以來國家無儲副仲麻呂

道鏡相繼被廢幸竊弄威權忌害忠良上時歷官納言寬仁

為眾所歸因懼禍及縱酒遺事深自韜晦及先帝崩大臣奉

迎遂登祚改元寶龜先是肥後國獻大赦天下賑贍孝義及

召清麻呂還京

寶龜元年

高年厄窮者賜天下今年田租永手吉備真備為左右大臣如

故追尊皇考施基親王曰御春日宮天皇原號田追尊所

生紀氏為皇太后○元年阿倍仲麻呂卒于唐仲麻呂中務

大輔正五位上船守之子也初靈龜二年從遣唐使西遊為留

學生仲麻呂性聰敏好讀書唐玄宗愛其才而厚遇之於是更

姓名曰朝衡遂仕于唐官至秘書監歷左補闕天平勝寶五年

仲麻呂欲從大使清河東歸王維李白之徒以詩送之衡至明

州海岸將上舟惜別入夜仰見海天以國言作三笠山月歌且

譯之漢語以示唐人眾大嘆賞既而泛海遇颶風漂泊安南人

或傳衡没于海李白作詩哭之不幾衡自安南復適唐肅宗喜

其無恙授左散騎常侍安南都護累遷北海郡開國公食邑三

阿倍仲麻呂卒于唐

千戶至是而卒年七十或云七十三代宗悼惜贈以潞州大都督衡留于唐前後五十年博覽多識當時我邦才學之士甚多而吉備朝衡二人最擅名海西云朝或作晁○三年渤海使來貢表文失禮詰責却之○遣使淡路改葬廢帝○皇后井上太子他戶有罪廢為庶人他戶乃后所生也初百川惡后淫欲廢之設計陷罪遂及之松苗觀水鏡所記百川姦惡其罪之事前善難以償後惡然水鏡作者愚昧淫佛多信評妄俗傳則其所記亦不能無疑爾○武藏孝子矢田部黑麻呂壹岐國貞婦直玉賜爵免田租○四年天下穀貴議定常平法遣使郡國糶穀賑民其賤賣私稻者授位○五年陸奧蝦夷叛命鎮守府將軍大伴駿河麻呂討之既平遣使犒軍且復國中今年田租以民勞擾故也○六年裁損諸國郡俸祿

三年

四年

五年

六年

七年

九年

吉備真備薨

益于京官先是京官祿薄不免饑寒國司侵漁糶載歸故衆望外任因有是命○前右大臣吉備真備薨真備右衛士少尉下道國勝子也靈龜二年從聘使適唐留學通經史歸任大學助為東宮師大被禮遇賜姓吉備朝臣歷進中納言右大臣討押勝竄道鏡至是薨年八十三圖贊曰遊唐國才無敵相本朝踰貴戚官掖兇穢斯條齊狄梁

陸奧出羽夷俘於筑紫及讚岐○出羽國志波邑蝦夷叛發總野常三國騎兵討之且發陸奧兵伐膽澤賊○九年賜從五位上袁晉卿姓清村宿禰晉卿唐人也初為大學音博士後任大學頭安房守○以大納言魚名為內臣是日改曰忠臣○十年又改曰內大臣○周防國男

子自稱皇子他戶誑惑百姓流之伊豆廢太子他戶先是六年夏卒○置渤海

子自稱皇子他戶誑惑百姓流之伊豆廢太子他戶先是六年夏卒○置渤海

子自稱皇子他戶誑惑百姓流之伊豆廢太子他戶先是六年夏卒○置渤海

交正國史各卷之二

光

五

五車樓梓

海鐵利三百五十九人於出羽國。○遣唐副使大神末足等至，自唐時唐代宗大曆十四年也。唐又發使令來報，乃與俱東，既入洋中，大使之船遇颶而敗，大使小野石根及唐使趙寶英等溺死者六十餘人。大伴繼人抱檣漂蕩至肥後西島，副使大神末足及大野滋野以下三船皆無恙。前年冬還到筑紫，至是入朝復命。初發使之時，帝賜前朝聘使留唐者清河書及緇一百匹、沙金一百兩，令促東歸而未果。終于唐，至是携其女而還。尋贈清河從二位，是夏唐使孫興進等來聘，授位賜物。○是歲唐代宗殂，子适立，是為德宗。○十一年，賜天下今年田租。○伊豫國女越智氏散私財養窮民，一百五十八人，賜爵二級。○陸奧言：上地郡大領伊治，皆麻呂反。食邑而管領郡事者也。伊治

十一年

天應元年 賜菅原 姓

皆麻呂蓋殺按察使紀廣純蝦夷大亂，乃以征東大使命，中納言繼繩大伴益立。正五位上紀古佐美。從五位上為之副使，又任大伴真綱。從五位下以鎮守將軍安倍家麻呂。從五位上鎮狄將軍後更拜小黒麻呂。正四位下為持節征東大使，以討蝦夷。○天應元年，賜土師古入菅原姓。古人天穗日命之裔，天滿神之曾祖，父也。累官從五位下，遠江介，賜姓事在是歲六月。○三月，上不豫讓位，皇太子以其弟早良親王為皇太子。至冬而崩。桓武帝元年葬，帝於廣岡山陵。後延曆五年改葬于大和，添上郡田原邑。○贊曰：帝久列諸王，累歷獻納，勝寶實字，間宗室有才望者皆所猜忌，國本不定，人情疑懼，才者足以覓禍，辱者不能自立，而帝乃鞞晦與時浮沈，其得坤六四之義，及稱德而絕及帝踐位，方得復天智之統，中宗功德之在人，心終不可泯焉。夫豈人力也哉。若在位十二年，壽七十三。太子立，是為桓武天皇。

桓武天皇統本親王子皇諱山部前帝長子也母皇太后高野氏

天平寶字八年上叙從五位下累遷大學頭侍從叙從四位

又進號親王任中務卿寶龜四年立為皇太子天應元年受

禪即位尊前帝曰太上天皇尊生母高野氏為皇大夫人

賜天下今年田租進群臣位有差○始置中宮職○延曆元年

水上川繼謀叛事覺時上在諒闇不忍論刑乃流諸伊豆三

島其母不破內親王及姊妹徙淡路川繼鹽燒王之○詔罷造

宮敕旨二省及法華鑄錢二司以儉省財費○二年敕曰京

畿定額諸寺其數有限既禁私立道場比來所司寬縱不曾糾

察如經年代無地不寺宜嚴加禁斷松苗曰佛法東渡以來世

寺其弊極矣韓子所謂人其人廬其居者勢既不易為也帝

立此禁定權宜良方也獨怪未幾延曆七年僧最澄創寺於比

延曆元年

二年

禁私立道場

三年

四年
淡海三船

獻山建根本中堂安藥師像以稱濟世醫國其後子院衆多遂
及三鴨水東北無地不寺民居僅夾堂塔之間而山徒暴虐
動起甲兵譬猶庸醫口稱仁術每損人命遂至使後世天子
有鴨水之漲與山僧之暴朕亦無奈之何之嘆嗚呼自佛法入
我邦以降蠹國害政未有如是甚者也惜哉當時處此良方徒
置不用而使病勢益劇苟有志濟世者安得不長大息乎後經
七百餘歲平公信長一怒火攻之天下大患始得全○立皇
后后名乙牟漏内大臣良繼之女○詔坂東諸國發倉賑給

貧民以軍旅連興民疲調發也○禁富民及僧侶出錢財質貧
者宅地○三年授越後蒲原民三宅笠麻呂從八位上初笠麻

呂出錢穀賑窮民修理敗橋坦平險路積年不倦國司以聞因
有此命○十一月帝徙長岡宮○四年從四位下淡海三船

卒三船皇子大友之玄孫博覽經史歷官大學頭文章博士

刑部卿孝謙帝朝奉敕作追謚自神武帝至聖武帝

神武帝至聖武帝

是也嘗討押勝有軍功。〇盜射殺中納言種繼命令捕賊事連皇太子誅首惡大伴繼人斬貶其黨與遂廢皇太子流于淡

五年

路。途卒是冬立皇太子安殿為皇太子。〇賜穀於天下老者

此惠自恒例故多略之。〇五年從三位右衛門督坂上田麻呂薨。苻田正四位上犬養之子世以武功著性剛毅便弓馬宿

七年

衛歷數朝累官諸國守兼鎮守將軍薨年五十九。〇遣從五位下佐伯葛城於東海道紀勝長於東山道各簡軍士檢器械以備征蝦夷。〇七年四月帝祈雨自前年孟冬不雨至是月令

畿內諸國雩及獻馬川上神禱請咸無效驗於是帝齋戒沐浴親出庭禱俄而澍兩群臣舞蹈皆呼萬歲。〇發坂東諸國步

騎五万八百餘限以來年三月會多賀城伐蝦夷。〇秋以參議

鬼門

中衛大將紀古佐美為征東大將軍先是征蝦夷諸軍屢不利故更有是命。古佐美武內。〇是歲僧最澄創比叡山中堂安藥

師像以稱鎮新都鬼門。昆弟二人。性能執鬼度胡山上有桃樹

盤屈三千里其卑枝向東北曰鬼門。二人於樹下常簡閱百鬼

鬼無道。理者神茶與鬱壘持以葦索執以飼虎。是故縣官常以

臘祭。又飾桃人垂葦索畫虎於門以禦凶。又按唐土南方有鬼

門關義與之別也。松苗偶閱神仙通鑑卷三醉蟠桃祝融奏曲

條中有言木公一名鬱壘。一名神茶兄弟二人。惟能執鬼山有

二門。西南曰神門。神茶守之。凡有邪神入山偷桃以木劍斫其

頂。桃枝貫其腮。投海中與毒龍為餌。東北曰鬼門。守以鬱壘若

貧饑之鬼。上樹殘食。即以葦索縛之。射以桃。孤投山坳與猛虎

食之。俱以十壯士為副。夫風俗通為書其來雖古。謾記世俗所

傳。非有確據矣。神仙通鑑所載。固出筆端。遊戲今附記之者。以

證怪妄愈甚也。要之鬼門說。經傳子史無所概見。佛氏既曰本

來無東西何處有南北。彼徒亦當不拘泥方位之說。然則妄誕

不經之說耳。〇八年坂東兵會多賀城分道征蝦夷。副將軍廣成中

八年

軍別將池田真枚前軍別將安倍墨繩等度衣川擊賊賊豫設

三覆偽敗而走官軍追至巢伏村伏發前後隔絕不能接應裨將高田道成會津壯麻呂大伴五百繼等死之軍遂大亂擠墜于水士卒死者千餘傷者二千餘古佐美真枚等僅以身免逃還京師上責罰解真枚墨繩之官○右大臣兼中衛大將是公薨是公參議兵部卿乙麻呂之長子魁梧有威容曉習時務決斷如流歷事三朝薨年六十三○九年復置鑄錢司○十年廢五世以上親盡之忌日○八月盜燒大神宮即奉幣以謝之○禁民殺牛用祭漢神○十一年禁葬儀踰制救曰豪富市人結隊伍設幢幡貴賤無等寔之後酣醉而歸宜令所司加嚴禁○詔諸學士學漢音○大春日清足在唐娶李氏今年携歸○從四位下大伴弟麻呂正五位上百濟俊哲多治比濱

九年

十年

十一年
禁葬儀踰制

成位同從五位下坂上田村麻呂巨勢野足位同等各任征夷將軍及副使鎮守討蝦夷奏捷凱旋是役也費軍糧二十六萬餘斛比年免坂東田租云○十二年定蔭子之階正五位嫡子從八位上庶子大初位上從五位嫡子從八位下庶子大初位下並補大舍人○改攝津職為國本朝置左右二京職比漢京諸國置守國守即漢唐郡守之任也○十三年遷山背宇多新京地屬葛野郡前年遣大納言小黑麻呂左大辨紀古佐美等相宅尋車駕巡覽之奉幣賀茂伊勢等神廟以告定都皇祖神武天皇都橿原後屢遷徙長者百餘年短者二三年而已自橿原至平城在大和者前後凡三十所歷千二百四十餘年也其他在近江志賀及保良長門豐浦攝津難波河內丹比山背綴喜乙訓恭仁長岡等十餘所其間凡二百二十餘年耳通計四十餘所一千四百六十四年也自詔曰山背為國山河

十二年

十三年
定鼎

帝定鼎于此以為萬世不遷之都矣

山城平
安京

十三年

十五年

十六年

十八年
和氣清
麻呂薨

襟帶自然作城宜改作山城又曰子來之民謳歌之輩異口同
辭號曰平安京今宜從之於是造土偶人長八尺著甲冑佩太
刀西面埋諸東山誓為鎮護神號曰將軍塚地屬圓山之頂後
世帝都有變則

必鳴動○十四年詔曰古之王者教學為先今大學寮生徒稍
衆乏供給宜加越前水田一百二町稱曰勸學田○禁私養鷹

○詔參議以上著白玉帶○十五年右大臣正二位中衛大將
繼繩薨繼繩豐成之子嗜學善文嘗奉 敕修續紀自文武
帝至

凡曆十年贈從一位○山城河內置烽燧○鑄新錢文曰隆平
永寶○十六年 詔頒彈正尹神王等所刑定令格四十五條

于有司○禁諸司喪制未終私著吉服○敕有司嚴男女之別
○罷筑前國司隸大宰府○十八年從三位和氣清麻呂薨清

為人識明志忠嘗在 孝謙之朝使于宇佐奉 太神勅而折
道鏡之勢及遇赦還京任豐前守又為美作備前兩國造及
帝世為攝津大夫奏請攝河之界鑿川築堤西通海民蒙其利
又兼民部大輔中宮大夫皆稱其職清素明古事撰民部省例
二十卷 帝賜以田傳之子孫薨年六十七贈正二位後世守
佐奉幣使每命和氣氏蓋顯大功於無窮也松苗曰和氣氏不
為黨邪以求苟免

十九年
富嶽大
焚

蓋知名義至重鬼神難欺也自以為及獲罪流竄其榮多矣當
時若使道鏡竊弄 神器雖居一朝 皇朝千古之辱也而和
氣氏見危授命其力回天為萬代所瞻仰比之唐張說關係更
重嗚呼偉矣先是有大中臣清麻呂者為右大臣以其名同世
人或誤以為和氣氏蓋以其功宜至台鼎也○圖贊曰 皇統
將移凡鄙稱 神語駭賊耳嘻直哉何畏死國無道亦如矢
○十九年禁民輸錢求爵○追上尊號於廢太子早良曰崇道
天皇母井上追復 皇后號○是歲春夏之交富士山大焚響

天皇母井上追復 皇后號○是歲春夏之交富士山大焚響

蝦夷平
二十年

二十一年

二十三年

如雷雨灰即位元年駿河言富士山雨灰蓋富士山中多硫黃巔常起焰烟遠望如縷有時炎火熾盛則焚颺沙

石雨灰於○二十年田村麻呂討蝦夷平之進從三位初陸奧

所任蝦夷酋高麻呂及惡路王起自達谷窟侵暴邊境遂西至

清見關聞坂將軍東征畏怖引去追至陸奧大戰神樂岡射殺

其酋斬惡路王餘賊多降東陸乃安○監試對策菅原清公為

主試文頗富麗見後○停太宰府進隼人○二十一年遣田村

麻呂城陸奧膽澤配東國丁壯四千人戍之尋夷酋大墓公阿

氏利為盤貝公母禮等率其衆五百餘人來降○通管荷山路

屬相摸國即今箱根也先是富士山焚土○二十三年秋八月

石壅塞足柄山路故新關之明年復舊路○二十三年秋八月

暴風大雨中院西樓倒車牛厭死上嘆曰朕屬牛人殆不利

乎是歲幸諸名勝地又獵原野數十所○是歲遣使于唐大使

葛野麻呂副使石川道益判官菅原清公錄事朝野鹿取四人

皆有才學僧最澄空海等陪從而行以學釋教最澄明年隨

十五年歸○松苗弟西尾惟苞字叔茂好學早歿以其居隣真

如堂時或閱佛書嘗曰俗傳僧空海始唱本地垂迹兩部習合

之說余謂是奸僧所始恐非空海也所謂本地垂迹謂前身在彼垂

迹謂後身在此兩部謂神佛習合謂歸之同一體也其太神本

地即彌陀如來勢至菩薩垂迹即其太神之類蓋倣清淨法行

經及家墓因緣經所謂閻浮提中有振旦國我遣三聖在中化

導人氏光淨菩薩彼稱孔子迦葉菩薩彼稱老子月光菩薩彼

稱顏回也嗚呼僧徒無忌憚假託三明六通輒說前身後身以

圖其利既引儒入佛又引皇國神明以為釋氏末流其詐固

不待辨矣其罪固不容誅矣余故曰是說出自奸僧恐非空海

也若使空海實唱是說則神明○二十四年唐德宗殂子誦立

之大罪人耳豈謂之高僧乎

是為順宗僅八月傳位於子純是為憲宗○天皇崩壽七十葬

于柏原陵在山城國在位二十五年改元者一曰延曆帝初

以大學頭精通儒經主除聖武孝謙二帝深二朝之習弊

交正國史略卷之三 恒武

二十四年

使政歸正蓋亦從衆所欲也神祖都於攝原元明遷自藤原定鼎平城故其

告諭王公有殷宗五遷周后三定之詔聖武乘豐富好修大

或徙恭仁或營難波紫香樂然終不欲拂物情還都平城以迄

光仁象志所嚮略可觀矣帝英略蓋世恢量包荒尋墜緒舉

廢典祀於圓丘以展敬天報本之誠征伐蝦夷大奮干戈之威

懲禍將不輟帝善擇將帥責以成功斬獲酋長廣俗驚服恢

弘肇經國之業有光前烈乃相攸莫居遷都山城新制平安之

世不易之基嗚呼盛矣哉然觀藤原緒嗣之諫方今所苦在兵

與土木則征夷遷都亦非無勞而帝度德量力為一勞永逸

帝之舉以措天下於泰山之安苟非皇太子立是為平城天

皇

平城天皇日本根子天排諱安殿初名小殿也松苗按平城奈良

陵所在地名為尊號者助于此自是以前奉謚法同周漢此後

或奉或不奉多以地名為尊號學者惜謚法之廢松苗謂如秦

主嬴政廢謚法其意可惡然後世異邦臣子不論其君善惡皆

奉以美謚則謚法實廢矣我邦後世謚法漸廢以地名為尊

號其義却得正矣先帝嫡子也母皇后內大臣良繼女也諱乙牟

漏帝即位改元大同延曆十五年以中納言內麻呂為右大臣帝

好學善屬文辭聽政不懈四方奏請告訴皆親聽斷○大同元

年始置六道觀察使○敕諸王以下子弟十歲已上皆入大學

分業教習○是歲大水先帝山陵壞損於是素服舉哀修治

改葬○免遭水百姓田租後水旱疾疫諸國皆免田租○二年

改近衛府為左近衛府中衛府為右近衛府○停闡司奏事令

內舍人奏停諸國貢采女停內豎隸左右舍人○禁巫覡淫祀

敕云巫覡之徒妄說禍福度民之愚仰信妖言虧損淳風宜一

切禁斷焉○幽伊豫親王上異母弟及其母吉子於川原寺以謀反

發覺也流其黨雄友官大納言於伊豫左降北陸道觀察使秋篠安

大同元年
十歲以上入大學
二年
左右近衛府
禁淫祀

平城天皇

平城

二

五

山陵乃令人收仲成逐藥子上皇震怒徵畿內及紀伊兵與藥子同輦幸東國宿衛士皆從大外記上毛頰人詣京上變

帝命坂上田村麻呂文屋綿麻呂將兵塞美濃要路又遣兵守

宇治山崎二橋及漢市津上皇至于添上郡越田名邑聞京軍

邀前衆皆潰散乃知事不濟雍髮還平城仲成途為右近衛士

住吉豐繼所射殺藥子仰藥自殺於是廢皇太子為僧上皇

立皇弟大伴親王為皇太弟弟也大納言園人傳之○始

以皇女有智子內親王侍賀茂太神宮稱曰齋院以准伊勢

齋宮○二年以殿上舍人復為內豎○停內舍人奏復闡司奏

○賜天下今年田租○改衛士府曰衛門府○糾僧尼無行者

嚴禁男入尼寺女入僧寺○正三位大納言兼右近衛大將坂

齋院
二年
田村麻呂薨

上田村麻呂薨田村左京大夫弟田麻呂之子也身長五尺八寸有膂力目如鷹隼髯如金線平居談笑老幼親狎怒目惡視猛獸懼伏征伐蝦夷撫綏奧羽庚寅之變前年有功忠上惠下

朝野倚賴圖贊曰委任相外機密爰整其旅東田村既薨蝦夷

復叛文室綿麻呂任征夷大將軍○三年造長柄橋長柄邑屬攝津橋架

漢川○以園人為右大臣○四年被俘獲在內地為農者也敕諸國務教導夷俘謂蝦夷

源朝臣姓○始供御贖物蓋用禳厄者代身○敕萬多親王

及右大臣園人撰姓氏錄○大有年大和國獻嘉禾一莖十八

穗○新羅人歸化○七年秋大風羅城門倒皇城外郭南大門也○九年

鑄新錢文曰富壽神寶○詔正朝會之禮冠服之制咸率由唐

七年
九年
御贖物

法○改殿閣諸門號題榜北面玄武門額御筆東面楠逸勢

南面及應天門僧空海皆當時善書世謂之三蹟其空海書者亦多小野

篁作語謗空海曰美○十年詔復故夫人吉子及伊豫親王

位號○十一年救大納言冬嗣修撰弘仁格式○配遠駿二

國新羅七百人反殺國民焚廬舍府兵討之不克虜遂入伊豆

掠穀泛海而遁發相武等兵追擊滅之○是歲唐憲宗為宦者

陳弘志所弒其子恒立是為穆宗○十二年冬嗣建勸學院教

其宗族子弟○十四年割越前國二郡置加賀國○帝御宇之

間水旱風蝗大災年有之疫亦屢行每詔諸國賑恤甚勤又

好遊幸多在嵯峨離宮有事則設空位於朝堂令五位藏人居

其側聽群議以奏曰職事職事之名由是專稱藏人○上嘗御豐樂院觀射

十年
十一年

勸學院
十二年
十四年

職事

諸王及群臣以次射弟王三品葛年十二再發皆中時王外祖

坂上田村麻呂侍座喜躍不勝起抱王而拜極口褒揚之上

笑其過賞外孫○科試對策大學助教廣人與判廣人博通經

史最明左氏兼達諸道工技高材者以文多累落第時廣人

明視我文哉廣人聞便應曰我○源清以嵯峨隱君子稱或

云帝子少長不冠婚不與人接閑居耽學無所不究橘廣相

參議左大辨式部為博士魁亦遇不通即時策馬必造西山質

問無不明了帝在位十四年改元者一曰弘仁上為太仁

明帝承和九年崩于嵯峨離宮壽五十七歲葬北山北陵○贊

曰天位授受之間其事至重上皇之於帝其實雖兄而

其分則父也君也凡在天子孰有不奉君父之命者哉上皇

信儉邪之言欲奪已授之重器以再臨宸極則帝視棄天下

猶棄敝屣唯命是從可也然天下祖宗之天下必矣故帝不得已用上

得志則立言招禍亂喪失祖宗之天下必矣故帝不得已用上

差

五巨妻卒

于戈除君側之姦慝以安祖宗之天下此乃所以深愛君父者也帝天資英敏而果斷明於見事故能選將決機哲婦况豎不日而戮輦散肅清畿甸寧謐奉養上皇勤於溫清及釋萬乘之重負退享中宮之尊榮非有曠大之慶惻怛之誠烏能至此哉然漢文短喪之制後世有譏議之者帝損之又損雖不合於中道而明燭死生之理遺詔薄葬繼緒於愛惜民力之意則益然於簡牘况又天才煥發下筆成章其訓飭諸皇子莫不以學術而皆以政事文學顯於當時右文之治可謂隆矣傳位於皇太弟是為淳和天皇

淳和天皇諱大伴姓有大伴避帝諱去大字遂為單姓桓武帝第二子也初

前帝親諭傳位上辭不聽明日奉表陳情再辭又不許遂受

禪尊前帝曰太上天皇是稱於後太上天皇以平城上皇立上皇之子

正良親王為皇太子上皇欲立帝之所生恒世固辭而

止○追冊生母諱放子百為皇太后○帝既即位賑恤旌表

等事一准歷朝但五位已上子孫年二十已上者特賜蔭階力

天長元年二年

論學士討

三年

田超衆者賜爵一級為異○太上天皇遷嵯峨離宮上宿戒

有司盛乘輿儀衛上皇咸却不用隨侍臣數人飄然跨馬

而行○天長元年授歸化新羅一百六十五人田為口分田賜

穀種及農具○二年以右大臣冬嗣為左大臣大納言緒嗣為

右大臣緒嗣百川之子帝之外舅也○置施藥院使○令大

學寮學士討論于紫宸殿後以為恒例數百年不絕○公卿陳請六事制可

其言皆係處分牧宰又曰宜令諸氏子孫咸入大學習讀經史

學業足用量才授職宗岡秋津老後應試登策上恤其類退自殿前徑乘得意行且狂歌不覺到建禮門忽復得句大聲朗吟曰今宵奉詔歡無極建禮門前舞蹈人狂唱不輟衛士

呵之應曰新進士某衛士乃罵曰痴老學何敢作狂此是禁門也秋津初悟回走上聞愈憐之官遂至參議左大辨○

是歲唐穆宗殂子湛立是為敬宗○三年左大臣冬嗣薨贈正

三太守

五年

七年
良岑安
世薨

九年

十年

一位世人號曰閑院大臣

○始以上總常陸上野為親王任國

改守曰太守三國之外不○唐敬宗為宦者劉克明所弑其弟

江王涵後改名昂為宦者王守澄所立是為文宗○五年命畿内班

田使○授筑前國孝女難波部氏位二級復終身孝女名安良

賣○七年大納言兼右近衛大將正三位良岑安世薨安世

桓武帝子也賜姓良岑少好鷹犬事騎射比及成立始讀孝經

嘆曰名教之極其在茲乎遂專勉學得為名臣嘗作水車利農

卒年四十六贈從二位○九年右大臣緒嗣為左大臣大納言清

原夏野為右大臣○十年春帝遷西院即淳和院也崩後以為

在稱曰後太上天皇至淳和皆桓武皇子也亦猶履中

○贊曰九恭以仁德皇子相繼傳位而太上天皇先後並

存稅駕汾陽奉危未央琴書相娛泉石互賞則為千古美事矣

蓋帝與嵯峨皆英明之主也帝之德量可以抗衡嵯峨

嵯峨而嵯峨之器宇則頡頏桓武中世人主所不易得者也

感動上皇也觀其朕遇太子猶子太子遇朕亦猶父之語則

正大洞達絕無纖芥之嫌公平之誠可以垂憲千載矣及帝

登極上皇使立恒世王為嗣而上固辭延立仁明為儲

殷王之世而善繼善述帝克行周室之孝洋洋乎其盛德也

讓位皇太子是為仁明天皇

仁明天皇諱正良嵯峨天皇第二子也母皇后攝氏諱嘉

智子贈太政大臣清友之女也緒嗣夏野為左右大臣如故○

天長十年冬始置檢非違使以文屋秋津為別當看督長六十

六人隸之○承和元年正月人日上御豐樂殿觀白馬節會

始于○公卿表賀慶雲勅報不受略曰百姓寧輯風雨和調

即是瑞也安危在乎人事吉凶繫於政事賀瑞之言後勿復奏

檢非違
使看督
長承和元
年白馬節
會賀瑞之
言後勿復
奏

仁明天皇

仁明

仁明

仁明

文章博士

○廢紀傳博士增文章博士一員○三品明日香親王薨 桓武

帝第七子也天資質朴嫉世好奢麗雖朝衣再三澣濯用之○

是歲禁用金銀薄泥○先是 太上天皇崇尚文雅深愛嵐峽

之勝營離宮於大堰之北屢臨幸遊覽至是歲冬遂徙居以終

焉明年 帝朝觀之此天皇朝 太上皇盛禮也而○八月 帝

釋奠文宣王於紫宸殿自講尚書後為 恒例○二年鑄新錢文曰承

和昌寶○太宰府奏請置戍兵三百餘於壹岐島以備新羅入

寇○御紫宸殿始令正四位下菅原清公侍講後漢書○四年

京師諸寺僧淫濫屢聞 詔置別當糾正○五年春以 皇太

子傳三守為右大臣三守幼入大學受習五經性温恭臨事明

決常延詞客禮待盡歡朝參塗遇學生必下馬而接之當時以

文章博士

釋奠文宣王於紫宸殿

二年

四年

五年

大臣遇

學生下

馬

此著稱○諸國盜起 詔左右衛門府生看督長等追捕之或曰

謹按國史及野史蓋是時 聖武帝以來之弊因循不革定額

諸寺多賜田祿所度僧徒年年增益遊手徒食驕奢自尊者幾

千萬人民苦為之所役○六年齋宮災焚官舍一百餘宇○七

年參議左大辨常嗣薨常嗣少遊大學涉獵史漢諳誦文選又

好屬文兼能隸書立性明幹威儀可稱葛野麻呂之子父子相

襲為遣唐使薨年三十五○唐文宗殂弟穎王灑立是為武宗

○七年太宰府言新羅臣張寶高私遣使獻方物却之○陸奧

國岩城雄公有功軍事同國物部已波美相摸國玉生廣主共

賑窮民 帝賞三人授外從五位下○八年禁春日山獵禽伐

木以神祠所在故也○左大臣緒嗣奉 勅撰後紀四十卷○

九年廢 皇太子 淳和上皇所生恒貞親王也 帝即位之

六年 諳誦文選

七年

八年

後紀

九年

後紀

九年

校正國史略卷之三 二明

侍健岑
攝逸勢
謀廢立

初立以為嗣既不相睦伴健岑為東宮帶乃武官名黨侍攝太子太子攝

逸勢但馬權守太子所親睦故與陰謀乘嵯峨天皇之喪廢

帝使太子登祚阿保親王聞知告之皇后帝震怒乃廢

太子遠竄健岑於隱岐逸勢於伊豆愛發大納言吉野中納言文屋

秋津參議兼春宮大夫連坐其黨貶黜有差於是立皇子道康親王

第一為儲貳右大臣源常傳之源常初大納言七年拜相○十年有司奏曰

七月十五日壬寅太上天皇嵯峨天皇第一忌日也謹按舊章至

行凶事三公本命日猶且忌避況於聖上本命乎帝以寅日

伏請上皇忌日易以十四日辛丑詔公卿議之源信源弘

等謂違禮良房奏以為可其議遂行也松苗曰忌日即終身之喪

之言獲罪名教不鮮矣如信弘二公可謂知禮信道者也○十二月文屋宮田麻呂謀反發

十年
易忌日

十一年

覺竄伊豆○十一年以右大臣源常為左大臣兼左近衛大將

皇太子傳如故大納言攝氏公為右大臣○伊豆山梨郡伴富

成女以孝貞聞乃詔表門閭免田租以終其身○文章博士

從五位下春澄善繩大內記從五位下菅原是善等上書諫狃

時俗以災異歸之人鬼崇人主失脩德禳之義每委僧徒咒誦

院主典代從五位上行治部少丞丹波守源忠盈松苗妻父也

曾評此事曰自佛法入我邦至是既三百年矣黠智僧徒歲月

輩出眩惑庸愚臣民於是乎歷朝有遭災異則必奏請召僧

百人或千人於禁中轉讀大般若經修藥師法講仁王經造

佛像建寺塔度百千僧燃數萬燈寫法華唱名號等事不一而

足其他祈晴雨禳疾疫亦用其法以為天災地妖人鬼崇怪一

切賴之消滅是蓋當時習弊耳朝廷非必信之也凡如是類

千無一驗迷而不悟至帝世其弊益甚凡世間鬼怪事必謂

其靈為崇乃至雖亂臣賊子復官立祠脩其名儒也哉○近江權

守貞主卒性温慧好酒聽政醉愈明民服之卒年七十○十二

諫以災
異歸人
鬼崇

十二年

交正國史略卷之三
仁明
五車樓辛

十三年 吉野至 孝 和氣真 綱 十四年

年有伶人尾張濱主者齡一百三十衰老不能起居自作長壽樂上表請舞 帝乃御清涼殿觀之飄袖應節俯仰自在宛如少壯 帝大賞歎賜御衣一領 ○東宮學士善道真貞卒真貞通公羊傳 ○十三年 敕畿內諸國甄祿所在 皇胤以紕真偽 ○正三位中納言吉野薨吉野兵部卿綱繼之子也自少好學性寬大能容眾能事父母至性嘗有所感終身不復食肉 ○參議從四位上和氣真綱卒真綱清麻呂第五子也天資敦厚好學弱冠補文章生仕 三朝歷任內外官嘗見讞獄不平知爭不可得乃歎曰塵起之路行人掩目枉判之場孤直何益去職杜門無病卒 方正如是真清麻呂之子 ○是歲唐武宗殂憲宗子怡立是為宣宗 ○十四年右大臣氏公薨乃以大納言良房為右大臣

有智子 內親王 嘉祥元年 君飲藥 臣先嘗 三年

○紀名虎卒 俗傳相撲事評妄不足辨 ○二品有智子內親王薨親王嗟峨帝女也涉經史善詩文嘗為齋院 弘仁帝幸賀茂使左右各探韻賦春日山莊詩內親王年甫十七得塘光行蒼四字即作七律一首 樓林孤鳥識春澤澗寒花見日光一聯最為世所傳稱 性貞潔能事神後居嗟峨西莊薨年四十一 ○十五年改元嘉祥以前年得瑞也 ○是歲鑄大錢一以當舊之十文曰長年大寶 ○讚岐三野孝子九部明麻呂賜爵免田租 ○帝巡視京城賜米錢賑窮者 乘輿至囚獄司前問曰是為誰家良房奏曰獄也 帝便惻然特命赦之 ○帝嘗調鍊五石先令近侍嘗試其精粗皆有畏難之色良相輒引杯一飲而盡 帝乃感藥劑之間猶不忘臣義甚重之 ○三年 帝朝 太皇太后於冷泉院奉 太后命階下

仁朝 五車 妻梓

親至尊敬

學官院

乘輦而還初 帝每朝必步是日 太后欲觀 帝御輦之儀

帝諮之左右咸曰惟命是從而可輦進 帝猶且步下殿沒階

乃乘之左右皆嘆曰 至尊敬親如是夫孝自天子以達庶人

誠哉有淚下者 ○三月 上崩在位十七年改元者二曰承和

十四 嘉祥葬於深草陵 伊陵在山城國紀 謚曰 仁明天皇遺制

薄葬以帛布代綾羅 上睿哲聰明苞綜衆藝最耽經史通覽

百家善書學 先帝之草書人不能別也且工射術妙管絃又

留意醫術盡諳方書 ○是歲五月 太皇太后亦崩先茲民間

訛傳今茲無母子三日不可造料 母子草名漢云鼠麴草三月

寬和容姿絕倫髮長委地嘗奏請建學舍 康保元年 村上帝

學寮令橘氏子弟誦習經史人稱其賢以比漢鄧氏崩年六十

五 ○皇太子立是為 文德天皇

文德天皇諱道康母諱順子左大臣冬嗣之女 帝既立源常

良房等為相國如故 ○詔曰易月之制雖由舊章臣子之道須

存心喪朞年之內禁宴飲作樂及著美服 ○詔赦橘逸勢追贈

正五位下逸勢性曠達不修細行勉學善書尤妙於隸楷有一

女當其流竄悲泣相隨官吏叱止之女乃晝伏夜行潛從之逸

勢至遠江板築驛病卒女大慟哭埋棺驛下結廬其側事死如

生十年一日至是即自負柩還葬京師 ○仁壽元年前近江守

丘守卒通經史在任民服其政 ○二年參議正四位下宮内卿

滋野貞主卒貞主初以文章生試及第又嘗上表論太宰府官

主 滋野貞 二年 仁壽元 年 逸勢女 至孝

滋野貞主卒貞主初以文章生試及第又嘗上表論太宰府官

文德

五車抄

不得其人。管内罷弊日甚。為時賢所稱為東宮學士。經國集十

卷。歷朝名臣詩賦作。秘府畧千卷。古。今。皆其所輯。○丹波權守

伴成益卒前大學寮學士也。在任民稱廉潔。○近江介和氣仲

世卒。清麻呂第六子。忠孝兩稱。初為文章生。及在近江。國人服

德。○正五位下。越前守高房卒。高房魁梧多力。性無拘忌。天長

中任美濃介。威恩並施。盜賊不入境。部內有古塘壞。不可蓄水。

相傳有神。犯觸者死。高房曰。苟利於民。死而不悔。率土人築治。

大便灌溉。又席田郡有妖巫。一邑皆其徒。誑惑吏民者數十年。

高房追捕之。嚴於西門豹。治鄴國內清。寧歷任備後肥後越前

三國皆著治績。○參議左大辨從三位小野篁薨。篁參議岑守

長子也。岑守初為陸奥守。篁隨客遊。便好弓馬。歸京後不事學

高房
和氣仲世

小野篁

業。嗟峨帝詰之。篁慚悔乃始志學。以文章生試。及第既而為

彈正大弼。承和五年。為遣唐副使。以才氣與正使參議常嗣不相

下。將發。正使舶水沃穿缺。因取篁。舶換易。篁愠稱病。歸作西道

謠。以刺遣唐之役。嗟峨帝大怒。乃竄諸隱岐。在路賦謫。行吟

七十韻。奇麗優長。人爭傳誦。明年被召入京。尋復本官。當時文

章。篁稱無雙。又工草隸。嗟峨帝嘗幸河陽館。賦詩云。閉閣唯

聞朝暮鼓。上樓遙望往來船。以示諸篁。篁曰。遙改空。聖作更

妙。帝驚曰。此白氏句也。本作空。卿詩思已同樂天。邪。是時長

慶集一部。始至獨藏秘府。世未有閱者。帝故試篁。篁家素清

貧。事母至孝。公俸之餘。皆施親友。病及困。篤命諸子曰。氣絕則

殮。莫令人知。薨年五十一。篁初讀書於下野。足利。鄉。後人造。巖

五車樓

引名儒以入己黨淨屠氏姦謀可憎哉○以痘疫人多死停賀

茂祭奉使告謝之詔美濃出穀二千一百斛太宰府三萬八

千餘石販患痘者○賜薩摩孝女福婦爵三級旌表門閭福婦

名其姓○治部少輔兼齋院長官關雄平關雄嗜學善文工草

書南池雲林兩院壁皆使關雄書之能鼓琴舉文章生及第而性靜退常棲止

於曦阜下人呼為東山進士淳和帝嘉其高雅徵見優禮賜

琴秘譜不逼以劇職卒年四十九○一品太宰帥葛原親王薨

王桓武帝第三子平氏之祖也為人明慧博識在舊典莫不

通曉○阿波介山田古嗣卒古嗣廉謹寡言母沒故事從母天

性篤孝後遭父喪哀毀過禮嘗讀書至於樹欲靜而風不止子

欲養親不在流涕不禁卷帙為之沾濡初為外記公卿以備質

葛原親王

山田古嗣

賑患痘 孝女福 關雄 王 葛原親 山田古 嗣

問在阿波政績有聲○齊衡元年秋狐晝走殿帝射殺之○

二年地震東大寺大佛首自墜或曰葵猶備足佛之靈威不

天安元年造新曆曆博士大春日真野麻呂奏請廢大衍曆經

依五紀曆經大春日○右大臣良房為太政大臣大納言源信

為左大臣○復相坂關更置大石龍華二關○正四位下右京

大夫兼加賀守衛卒衛贈左大臣內麻呂第二子也幼而喪母

哀慕感人七歲入學十八以文章生登第人比之漢賈誼守遠

江政寬民服入為式部少輔論駁不法不避貴戚遷為太宰大

貳先是府所管九國二嶋醫師博士其所自辟除也名實多不

相副因上奏云云自此改選○二年夏大水左右京人多溺死

發穀倉院米二千斛民部省廩米五百石賑被水災窮民○正

衛卒

齊衡元年 天安元年

齊衡元 年 天安元 年

發穀倉院米二千斛民部省廩米五百石賑被水災窮民○正

文德

五車樓

長岑高
南淵永

山田春
城

不敷赦

四位下山城守長岑高名卒初為文章生從常嗣遣唐使判官
 歷任國司多嘉政○前侍讀南淵永河卒嘗與朝野鹿取小野
 岑守菅原清公共以儒學事 嵯峨帝卒年八十一○明法博
 士山田春城卒性寬言直不好小藝不避忌崇○帝在位九年
 而崩改元者三曰仁壽三齊衡年三天安年葬於真原山陵山陵在
國葛野郡後 帝自登極盡心政事明察如神雖喜惠民而不
 數赦嘗曰赦先賢所禁數赦則民不畏罪大害國政 皇太子
 立是為 清和天皇

清和天皇諱惟仁母 皇后太政大臣良房之女諱明子攝
殿 上年九歲即位是為幼少 外祖攝政源信良相為左右大
后 臣如故○天安二年十二月遣使十陵四墓後以為歲尾恒例

貞觀元

二年

天皇讀
書必始

自孝經

仁孝子良

三年

豐階安

人滋善宗

五年
源弘

謂之荷前使○貞觀元年奉幣宇佐以告即位從五位下和氣
 巨範為之使○男山始建 八幡太神宮○授諸國百神位○
 以長門醫師海部種麻呂為采銅使○鑄新大錢文曰饒益神
 寶一以當舊錢之十○二年 帝始讀孝經大學博士春日雄
 繼奉教授職後世 天皇讀書必始自 孝經以為恒例 ○中宮大夫良仁卒贈太政
 大臣冬嗣第七子也性至孝母歿之日哭泣嘔血絕氣經時乃
 蘇不勝悲慟遂病卒年四十二○新修釋奠式頒七道諸國○
 三年 帝讀論語雄繼侍讀○唐宣宗殂長子温更名 立是為
 懿宗○始行長慶宣明曆○置檢非違使於武藏郡各一人督
 察奸盜○豐階安人卒博覽經史最通漢書○五年滋善宗人
 卒通周禮儀禮○正二位大納言源弘薨 嵯峨帝子也通經

校正國史略卷之二

正躬王

續後紀

六年

帝覽耕

七年

近江節婦

八年

伴善男
燒應天門

史善書○正躬王薨萬多親王之子為國守政清簡○五年

詔春澄善繩撰 仁明天皇紀卷二十即續後紀也○六年 天皇

元服是日良房罷攝政○上幸太政大臣良房館深殿賞櫻花

是日記今守山城國司率郡司百姓於東垣外耕田請帝覽

之欲知稼穡之艱難也○七年 詔贈從四位下故道君首名

首名仕 元正帝率幾百五十年 帝賞其良史也道君首名

○賜近江國節婦位二階免田租節婦伊香郡人石作部廣繼

女也○八年天下大旱諸國飢疫皆賑恤之○禁僧侶飲酒及

贈物○救太政大臣良房再攝政○應天門火延燒棲鳳翔鸞

二樓先是伴善男大納與源信左有隙於是誣告曰謀反火之

良相亦欲陷害焉基經參議即昭宜公告諸良房良房不信其議遂寢

後有大宅鷹取者備中權史生告曰應天之火善男與其子中

庸右衛門佐同謀乃使南淵年名參議等鞫問遂伏其罪 詔免死刑

遠竄善男於伊豆中庸於隱岐同謀者紀豐城夏井異等五人

連坐者七人皆配于遠國肥後守紀夏井亦以豐城之兄被竄

土佐通計十人夏井左京人美濃守善岑第三子文德帝嘗聞

疲駿也非汝等所知遂有殊寵初學書為人身體雄偉眉目清

秀温有才思及出肥後吏民遮路號哭如喪考妣過讚岐境以

嘗領其牧男女老幼相迎道路數十里之間哭聲不斷初為讚

化大行及任滿百姓相率詣闕請留二年衆庶殷既至土佐

富郡邑多作義倉及去贈遺甚多夏井無所受

夏井精醫藥及在土佐石川氏亦夏井素有至

性居喪哀毀過禮○救太宰府及能因伯雲石隱長等諸國令

紀夏井

校正國史略卷之二

青四

常平所
九年
高棟
坂上當
道

十年
貞敏

源信薨
十一年
貞觀格

嚴兵以備新羅又禁畿內勿發用不動穀義取不輒運出○九年東西京始置常平所以穀價騰踊減價糶官米○大納言正三位平高棟薨葛原王子性儉好學初為大學頭為國守政寬○陸奧守坂上當道卒將軍田村麻呂之孫廣野之子也在任有政理之稱境內肅如民夷安之沒後無資臨棺殮所有布衾一條而已○十年野火燒田邑陵樹帝避正殿降服素食輟朝五日遣大納言氏宗等虔謝○前美作掾貞敏歿承和二年適唐學琵琶於劉氏傳譜數十卷娶其女學琴箏○左大臣正二位源信薨信嵯峨帝子性高雅文學書畫射騎管絃一無不習熟遺命薄葬贈正一位○十一年大納言氏宗等上貞觀格二十卷○五月二十六日夜陸奧地大震夜有光如晝地裂城壞

十二年
孝子冊
生弘吉

十三年
貞觀式
十四年

美濃公

十五年

海濤涌起數十百里溺死千許人七月肥後大風雨拔樹倒舍人畜壓死海溢浸六郡田野數百里為海○新羅海賊夜入博多掠豐前貢絹乃遣坂上瀧守右近衛權少將兼太宰少貳鎮太宰府○十二年大納言氏宗為右大臣九年良相薨故也○鑄新錢文曰貞觀永寶○賜若狹孝子丹生弘吉位二階○敕西海道諸郡府所管瀨海諸郡警備及因伯雲石隱五國修守禦之具又敕筑前肥前壹對四國嚴兵備先是太宰府言肥前國杵島郡兵庫震動軍鼓自鳴者三ト之云將有外寇故有是命○十三年氏宗等上貞觀式○十四年右大臣氏宗薨大納言源融為左大臣大納言基經為右大臣○太政大臣良房薨贈正一位封美濃公諡忠仁○遣使於唐買香及藥物○秋七月旱帝減膳乃雨○是歲唐懿宗殂子晉王儼立是為僖宗○十五

惟喬親王

十六年

佛寺窮奢僧殺人姦淫

大風雨

十七年

年惟喬親王薨親王先帝第一子而帝者第四子也然為外祖太政大臣良房所立於是親王閑居山崎水無瀨宮吟詩咏歌以自遣既而益厭世塵隱于小野邑在叡山下時人號小野宮在原業平紀有常等時來陪遊詞壇至是薨年二十六○十六年建貞觀寺設大齋會其費鉅萬先是年荐饑所在盜起國用不足故減五位以上之俸而猶有此舉臣民怨愁但佛寺窮奢檢非違使奏請僅禁僧尼衣綾羅是歲丹波國有僧教豐善福等四十餘人姦淫害婦女燒民家又殺勸學院使○八月大風雨南庭白櫻東宮紅梅侍從局大梨樹皆倒川水暴漲直衝城垣人馬漂溺詔賑飢病瘞屍體免徭役除賦稅○十七年下總俘囚叛發兵擊之出羽蝦夷叛命國司討之○冷然院火○神祇伯

良近

十八年

大極殿火

良繩

美濃守良近卒良近風標清美雖無學術以政理見稱為人強力無比嘗醉乘車而行戲謂同車者曰吾能令此牛不行乃據牀閉氣而坐牛努力不得前○十八年參議太宰權帥在原行平奏請營壹岐水田充對馬年糧壹岐對馬二島皆隣三韓故每歲漕兵餉行平建白省其費又割肥前國松浦郡庇羅值嘉二鄉建上近下近二郡別置官吏○四月大極殿火延及小安殿蒼龍白虎二樓延休堂及北門北東西三面廊數日不滅廢朝三日七月復作大極殿○良繩官職超遷南淵年名大江音人皆以年長在於其下良繩乃謂人曰如南江二子或碩學老成或朝家鹽梅吾以年少才劣難在其上每相出入有慙於顏齊衡元年冬良繩聞父大病三年母紀氏病良繩侍養衣不解帶目不接睫丁憂又解職

病薨帝不聽計至良繩嘔血氣絕數刻而薨乃辭官居喪負觀三年母紀氏病良繩侍養衣不解帶目不接睫丁憂又解職

○良繩過度殆於滅性○上在位十八年傳位於皇太子為

太上天皇。上美風儀端嚴如神性寬和寡言語好讀經史原

是善大凡音即位之初外祖良房攝政良房薨始親政承和以

前。天皇日御紫宸殿聽政仁壽以後其政廢墜至上復之

是時基經既居權要吏稱其職內外肅然故道前世之政者悉

稱貞觀之治遜位之後祝髮遂入釋贊曰自佛法入我邦無貴

之天下靡然習以為常屈萬乘之尊歸依三寶列朝比莫不

皆然而帝好之尤篤年齡未至三十遂去天位忽然授大

器於幼冲之主而不顧其果能負荷乎政刑之柄一委之於

藤原氏抖擻勤苦而高遺世之志三日一齋泊然枯槁古今人

主之奉佛未有如帝精練薰修者貞觀之政世之

所稱而藤原氏之權自此而盛蓋亦有所從來矣

皇太子受禪於涼殿第是為陽成天皇

陽成天皇諱貞明先帝長子也母贈太政大臣長良之女

帝年十歲即位右大臣基經皇太后攝政源融左大臣如故

元慶元年大納言正三位南淵年名薨世稱鴻儒○參議從三

位大江音人薨前帝侍讀文章博士以文名所著有群書要

覽四十卷帝範三卷其他猶多○二年陸奧蝦夷叛入出羽

燒秋田城及郡府民家國司與世發兵防之邀虜於險戰不利

朝廷命上野下野各發兵一千陸奧二千以援出羽更以右中

辨保則為出羽權守討之是月與世進戰大敗伴貞道主作宇

奈丸神服真雄等死之於是小野春風從五拜鎮守府將軍與

陸奧權介坂上好蔭東征甲胄保則遣兵於秋田添川拒虜

尋戰克捷既而春風至秋田營虜來降者甚多是冬渡島夷酋

一百餘人率部衆三千來降津輕渡島雜夷悉內屬奧羽平○

元慶元年南淵年名薨世稱鴻儒

大江音人薨

二年征蝦夷

地大震

三年 都良香

文德實錄

四年 在原業平 菅原是善

地大震關東特甚相摸武藏公私廬舍一無全者人多壓死地陷路不通○民部太輔房雄為太宰權少貳以警兵備○三年

大內記越前權介從五位下都良香卒良香詩賦妙感鬼神世

僅傳羅城門竹生島二事蓋大聲不入里耳也藤氏獻策拜博士自佐世始佐

世嘗給事攝政基經家故得與之時良香為主司紀管諸儒紛論未肯而以攝政推轂遂得獻策良香嘗曰藤氏之盛何求不得若藤氏為博士○以山城稅稻三萬束頒給大和貧民又賑吾曹何處生活

東西京飢病○基經上 文德實錄○是歲大極殿成明年地

大震大極殿階破城垣及士民廬舍多壞○四年右近衛中將

在原業平卒業平阿保親王第五子以詞藻著○參議從三位

菅原是善薨是善天滿天神之父嘗為文章博士侍讀 前帝講說經史補翼政教又工文章著書數百卷○清和上皇崩壽

五年 六年 七年

八年

三十一歲葬於山城愛宕郡上栗田山○是冬基經為太政大臣攝政如故○五年太政官下符諸國追捕海賊○六年 天皇

元服大納言源多為右大臣○七年上總夷倭叛亂國兵討平之○備前奏請募勇敢之士以守要害禁海賊劫掠行旅○圖

書察火○八年 天皇遜位徙二條院初 上游嬉無度令猴

狗鬪聚蛙令蛇吞之觀之遂發狂疾有迂 旨者拔劍追之又

屢殺戮不辜基經等諸臣連諫弗聽於是 上躁暴彌甚一日

基經入將見 上令宮人登樹手自刺殺之以為笑樂基經大

驚退與諸大臣謀基經嘗見時康親王於大饗之坐知有人君

之量至是排眾議欲立之乃請 上游陽成院因請遜位時年

十七在位八年村上帝天曆三年崩年八十一葬於神樂岡東地 迎時康親王即位是

陽成

五

為 光孝天皇

光孝天皇諱時康 仁明帝第三子也母女御澤子贈太政大

臣總繼之女也 帝少而聰慧好讀經史既長寬仁親愛九族

練習事務 仁壽太后親重之渤海使王文矩望見 上在諸

王中私告人曰此 皇子骨法非人臣後必登 天位又有宗

直者給事於潛邸之時其兄仲直善相戒之曰 皇子貴不可

言汝善事之承和初為親王累官常陸上野二太守 皆在京遣僚佐

治中務式部二卿太宰帥位至一品元慶八年二月 先帝遷

於二條院參議山蔭諸葛向部清行等留守親王公卿奉璽鏡

劍迎 上於東二條邸 上辭讓不受兵部卿本康親王奏言

曆數攸在謳歌是歸伏願聽群臣是夜迎者皆侍直焉翌日文

武百官備鸞輿奉迎 上入東宮太政大臣基經左大臣源融

右大臣源多大納言良世並如故 上年五十五即位於大極

殿特 詔太政大臣基經總攝百官咨稟政事 上御紫宸殿

使博士論五經○以出雲長門去年不登班給稅稻十一萬束

○元年 帝御紫宸殿視事改元仁和○大學博士善淵永貞

卒初稱六人部福貞○授加賀節婦今古位二階今古本國權

掾大神高名妻○二年八月釋奠于大學寮太政大臣公卿大

夫畢集九拜聖像先是年年更講論語孝經五經周禮等今年

講周易翌日 帝御紫宸殿使儒官論經義賜宴○是歲武藏

守紀安雄卒才學富贍在任能治○三年地大震 上避于南

庭官署及兩京士民屋舍壞頽是日畿內及七道諸國咸震屋

三年

九拜聖像

二年

古節婦今

貞善淵永

仁和元

年

光孝天皇 五車樓梓

倒海立壓溺人畜多死○上崩壽五十八在位僅三年謚曰

光孝天皇葬于後田邑陵在山城葛野郡立屋里小松原世相

形不如論心論心不如擇術王文矩藤原仲直之相帝於龍

潛之且可謂奇中矣然不如攝政基經察見帝於大饗之坐

知其人君之量故排衆議而立之其擇術之精者乎及踐大位

雖有志於正軌度舉廢典而以庶孽為基經所推戴故畏憚之

過於負托竟不能正剛健之德而臨○是歲橘良基卒良基歷

馭不久庶績猶有不能照洽者惜哉

任五州每罷歸不載資財常教子孫以潔己其子在公問治政

之要曰雖有百術不如一清卒時在原行平賻以絹布乃得殯

葬○基經受遺託立皇太子是為宇多天皇

宇多天皇諱定省先帝第七子也母洞院皇太后諱班子

先帝龍潛時戲問后所生三子使各言所欲太郎諱忠對曰

願為太宰大貳領西海十國二郎諱是曰願守東藩管十五國

帝默然三郎徐曰願居東宮以嗣大寶帝悅三郎即

天皇也仁和三年立為皇太子是日先帝崩太政大臣基

經左大臣源融右大臣源多並如故尋即位於大極殿詔萬

機無巨細皆關白於太政大臣基經關白之職始于此義取漢

事○是歲唐僖宗殂弟壽王傑立是為昭宗○賜關白基經封

戶准三宮太皇太后宮皇太后宮皇后宮○賜關白基經封

極貴之號○寬平元年正月朔帝拜天地四方屬星山陵後

所謂四方拜未詳原始按公事○五月賜皇曾孫高望平姓

根源蓋昉于此故此後不復書○五月賜皇曾孫高望平姓

此○基經上表辭關白許之○二年正月朔祭神鏡於溫明殿

神鏡者三種神器之一也○是月敕內藏寮及內膳

世所謂內侍所御供者始于此

御供

二年

雖有百術不如一清

關白之始

准三后

四方拜

寬平元

年

加茂臨

時祭

二年

內侍所

本正國史卷之二

五車樓

司上子日進若菜按若與弱通○上元主水司始進七種菜粥

三年 ○三年以大納言良世為右大臣先是右大臣源多麿○定修

理職官位准中宮職○前關白基經薨基經淡海公六世孫也

叔父忠仁公無子養為嗣贈正一位封越前公諡曰昭宣公圖

曰廢幼主立長君戴賢德竭忠勤○以皇兄是忠為親王賜源

實是不負顧託偉哉婉美伊霍○四年 敕藏人頭菅原道真撰

姓任中納言至是舍姓與官○四年 敕藏人頭菅原道真撰

以寵號配名稱曰是忠親王○四年 敕藏人頭菅原道真撰

類聚國史○五年立 皇子敦仁親王為 皇太子初名維城

王二年大納言源能有傳之○是歲中納言在原行平薨行平

平城皇孫也好學嘗建獎學院在勸學院西村上帝應通史

務善和歌○敕太宰府勸農備兵先是新羅海寇至故有是命

○六年新羅寇邊 敕益太宰府督師既而筑前守文屋善友

與新羅戰破之斬大將三人副將十一人卒三百餘人是日復

出雲隱岐烽燧○以參議菅原道真為遣唐大使右少辨紀長

谷雄為副使道真上書請罷之至是始罷遣唐使松苗按是蓋

既備無復學于彼也先是遣唐使以我朝禮文

使非畏唐國之威亦可見焉○以大學典藥諸生堪采用者及

鴻儒名醫子孫舉任諸國博士醫師○冬渤海來貢使人即裴

也先是元慶四年來朝諸儒往鴻臚館見之類閱管公詩稿○

稱曰當世白樂天爾後管詩益工至是類又閱之愈加嘆美○

七年左大臣源融薨 嵯峨皇子也融好遊樂愛蟲魚鳥獸草

擊池其庭令人每運海潮於攝津注之造竈池畔燒鹽起烟以

摸陸奧勝景又建栖霞觀於嵯峨樂以終焉薨年七十三○清

約曰平安專修寺在七條堀水流通焉有橋名觀月源公融賞月

於茲云約按源公出 帝室居治職世方仰其徽猷而公能量

時避勢自非明哲莫克焉後人唯稱其摸輿海於其莊奚足盡

公哉夫煮鹽於無鹽之地誠奇抑亦不過一時遣興排鬱手至

八年

其神情所會憂鬱所萃竟在橋上之○八年正月戊子 上幸

月焉而彼固噴責此殆泯泯可嘆也

三年

昭宣公

四年

類聚國

五年

六年

在源行

平

獎學院

道真罷

遣唐使

源融

七年

八年

子日遊

雲林院作子日宴世所謂子日遊始于此○以右大臣良世為左大臣源

能有為右大臣○禁諸院諸官王臣家受庶民請託爭訟田宅

資財○皇太后諱高子世稱二條清和帝后密幸東光寺僧善祐事覺乃

竄善祐於伊豆遂廢太后時年五十五○九年皇太子加

元服是日帝禪以位且自著書以誡新主其略曰明賞罰

莫感愛憎慎喜怒莫形于色莫用婦言莫舉小人訪治於有識

求道於六經帝嘗使巨勢金岡圖殷周以來名臣於紫宸殿

障子世謂之賢聖障子○皇太子立是為醍醐天皇

醍醐天皇諱敦仁前帝長子也母皇太后追尊也內大臣高

藤之女諱胤子帝年十三即位尊前帝曰太上天皇使

大納言時平權大納言兼右近衛大將菅原道真參決政事時

九年
著書識
新主

子賢聖障

時平以伯母為

室昌泰元

二年

法皇

三年
貶道真

平年甫二十七嘗奪伯母伯父國經之室為室世皆譏之然以昭宣公

嫡子上皇命任之上皇遷居東三條院○昌泰元年又遷

居朱雀院京師三條南朱雀街西帝始讀群書知要○二年以時平為

左大臣菅原道真右大臣○京師多盜放火殺人使四衛府兵

巡夜○是冬太上天皇祝髮稱曰法皇法皇之號歷遊山

寺○三年貶右大臣菅原道真為太宰權帥法皇聞之驚遽

夜即來拯將入宮城時平等闔門不納不得見帝傷嘆而還

初帝之即位也觀上皇於朱雀院上皇曰右大臣齒德

並高為海內所景仰宜專委任也因召道真諭其旨道真固辭

而退時平聞嫉之大納言源光仁明皇子也亦恥位其下時

平與之計議讒構成禍遂及之先是文章博士三善清行奉書

交正國史略卷之二
醍醐
五車樓梓

右府諫以罷相恐為小人忌害也

雖明拆宜慮無妄之語 ○大納言源光為右大臣 ○延喜元年三代實錄

成起天安二年八月訖仁和三年 清和 陽成 光孝三朝

凡二十年初時平與菅原道真同奉 勅撰輯既而菅公遷謫

故不列其名 ○二年 法皇造御室于城西是為仁和寺 御室

居也後世法親王住之稱御門跡按門跡謂 帝跡也御門與 帝國言相通故也 ○三年 二月二日 太宰

權帥前右大臣菅原道真薨于筑紫道真參議是善第三子幼

而穎悟善詩貞觀中對策及第累遷式部少輔文章博士歷任

權大納言右近衛大將以至台鼎薨年五十七 後京師屢災左

繼亡世謂菅公之靈為崇乃 詔追復本官又雷震清涼殿

帝悔悟謂是天譴也後至 村 上帝朝建祠于北野以祀之

○圖贊曰雖為鷓鴣鳥所退風雷開金滕悔 兩朝師傅老臣千

三代實錄 延喜元年

二年

御門跡 三年 道真薨

天滿大 自在威 德天神

歲威德明神 ○松苗義祖嘗著菅公為雷辨曰世傳菅公遠

實非其罪公不勝憤慨及薨為雷霹靂 皇宮余謂此所謂齊

東野人之語不可信者也夫驕泰怨尤者小人之常情也

或不忍為而况賢者哉昔公決不然矣蓋公在 宇多朝也

命世之才得 聖主之遇位至三公職兼文武人臣之榮既極

矣而公益肅恭未嘗有以專權聞也及 醍醐即位人乘間

怨尤之有且余嘗讀公在西海所作詩深致尊 君之意絕無

佛鬱之言足以徵寵辱不易操也余故曰菅公決不然矣其謂

憤惋訴天者無乃以小人腹量君子心乎若夫風 雷水火之變則天或警言戒 朝廷已菅公何預焉 ○四年唐昭

宗為其臣朱全忠所弑幼子祚立不四年又為全忠所弑蓋哀

全忠遂篡奪國號梁唐自高祖至是二十世凡二百九十年而

亡 ○五年御書所預名職紀貫之上奉 勅所撰古今和歌集

文幹之子也與紀友則 澁 ○六年誅鈴鹿盜 ○七年左大臣時

望等撰集序即貫之所作 ○六年誅鈴鹿盜 ○七年左大臣時

五年 古今和 歌集 六年 延喜格 七年

平上延喜格奉 勅所撰 ○鑄新錢文曰延喜通寶與寬平大

延喜格

九年

十二年

利仁

十三年

十四年

三善清
行上封
事

錢並行。○梁主朱全忠為其子友珪所弒，是為太祖第三子友
 貞誅友珪而立，是為均王。○九年，左大臣時平薨，年三十七。贈
 正一位，太政大臣。時人稱曰本院大臣。○十二年，下野國高坐
 山賊藏宗藏安等聚黨千餘人，侵郡邑，掠貢調。敕鎮守府將
 軍利仁左大臣魚名六世之孫討之。至則命士卒作櫓，時方盛
 夏，衆不解其意，夜半大雪，乃襲賊營，斬獲殆盡。由是威名大振。
 圖贊曰：忠勇天家禦侮，虜虜乎猛。○十三年十二月庚寅，小
 如虎，勦劇賊夏雪宵，比襲蔡奇更超。○十四年，以大納言忠平為右大
 鳥蔽，天飛數日。此記異也。庚寅始見之日。○十四年，以大納言忠平為右大
 臣。○詔使公卿言事式部，大輔三善清行上封事，其大略云：我
 邦上古，上仁下忠，租稅薄，風俗厚。時漸澆漓，賦歛年增，戶口日
 減。欽明帝之世，佛法初傳，推古帝以後，稍盛，崇尚成風，上

十五年

自公卿下至士庶，競捨資產以營佛圖，至不造寺塔者，人莫齒
 遇焉。降及天平，多創大寺莊嚴，盡美遂使七道國建二佛寺，名
 曰國分寺，廢民田糜公稅。桓武帝遷都者，再土木繁興，賦役
 太重。仁明帝即位，尤好奢靡，房寢麗美，宴樂飲淫，府帑空竭，
 徵求無誓，負觀中應天門及大極殿，並災修復，基年費亦夥矣。
 當今之時，國家之經入，非往昔十分之一也。寬平中，臣為備中
 守管內有迹麻呂鄉，按風土記，皇極帝時，出勝兵二萬，至天
 平中，課丁纔有千九百餘。臣到任時，老丁二人，正丁四人，中男
 三人耳。今訪諸彼地官吏，則答曰：無有一丁，衰弊之速，一鄉可以
 知天下也。因請節儉存恤，施惠四方。天皇嘉納。全文見本朝文粹○
 是歲，禁奢靡服。○十五年，大赦天下，免延喜十年以前調庸逋

長正國史卷之二
五車樓梓

負減今年徭半今茲疫痢痘癘流行○京師井涸自九月初不

雨至十二月城市之中無泉可飲 上皇許民庶汲冷泉院池

水數日而竭 天皇敕汲神泉苑池尋亦竭焉都下屢火及二

十七日始雨○十六年四品貞純親王薨 清和帝第六子世

稱曰桃園親王經基之父也○朝朱雀院賀 法皇壽五十○

朱雀院 御試學生○皇太子加元服於紫宸殿賜天下為父

後者六位以下爵一級及高年物免延喜十五年以前逋租○

十七年十一月朔日南至百官表賀 敕天下功臣之後及才

行著聞者特加榮賞内外文武官主典以上叙爵一級在京正

六位上諸史及史生以下直丁以上天下高年賜物有差○十

八年交易唐物使當麻有葉獻孔雀所得唐商船中也○十九

十六年 桃園親王 御試學生 至朔日南至 十七年 十八年 十九年

延長元年 二年

三年

四年

六年

年正月朔小朝拜此禮久廢至是復行○延長元年 皇太子

薨諱保明謚文彥立其子慶賴為 皇太子不稱皇太子孫○二年以

右大臣忠平為左大臣大納言定方為右大臣○法皇賀 天皇

壽四十以馬四十匹為壽○三年 皇太子薨乃立 皇子寬

明親王為 皇太子年甫三歲左大臣忠平傳之○四年大和

國長谷山崩是歲興福寺僧寬建奏請就商船適唐學佛法許

氏二卷都氏一卷及小野道風行草書一卷寬建推適唐○先是元長後梁主朱友貞與後

唐連戰大敗命其下殺已梁自全忠僭號至是二世一十七年

而亡後唐主名存勗本姓朱邪唐賜姓李舉兵破梁移都于汴

僅三歲而遇弒是為莊宗其父克用養子嗣源胡人逸為叛卒

所推即位于洛是為明宗○六年使少內記小野道風書賢臣

五車樓梓

七年
八年

名臣言行於清涼殿南廂粉壁。○七年新羅全州酋甄萱遣使請歸化。○八年賑左右京疾病窮困者穀為食於道以救饑者。又救檢非違使及左右京職視察饑疾者居諸施藥悲田二院。○城南民請決神泉苑池溉田聽之。是日烈風雷雨震清涼殿。清貫言大納稀世右中等死。帝亦不豫讓位於皇太子為太上天皇。詔忠平攝政事。尋崩在位三十三年。改元者三日。昌泰。三年延喜。二年延長。八年遺詔不制謚世稱醍醐天皇。又曰小野帝陵在山城國宇治郡山階鄉。帝臨御日久勵精圖治哀矜百姓搜訪疾苦至寒夜脫御衣以想察民間凍餒嘗曰威嚴外見難為盡言故每群臣奏對溫顏接之勉導忠謹以求啓沃。國家無事民庶安堵世以比仁德帝後之言治者。

源公忠

皆稱延喜贊曰古稱賢君不世出我國家以神明之胃建世之稱首然世徒知寒夜脫御衣之為君惠而不知假辭色以求盡言之尤為盛德此致治之本也當是時材能之臣布列朝廷帝能屈已咨詢密納諫言制禮度煥乎其有文章格式之設天下至今賴之惜哉載籍不備闕略斯盡纒擗者大率災沴氣祲之類已文獻不足徵則雍熙之風必有可觀者良可慨也。帝聰明仁恕超軼前古而信藤原時平之言黜菅原道真遂使法皇燕翼之志堙鬱而不。○帝常愛右大辨源公忠敏捷公忠公事無滯常好放鷹亦能飼養或在上前非毀之。上曰萬事不懈旁及所好固無不可夙夜在公亦復作得何事。公忠食分禽味或試雜調兩處雉肉噉之進口即云是某野雉又進一口即別云是某野雉一無違者。○皇太子立是為朱雀天皇。

朱雀天皇諱寬明先帝第十一子也母中宮諱穩子天皇稟質薄弱常養深宮三歲罕見天日八歲受禪左大臣忠平攝

朱雀天皇

承平元年

寬平法

三年
南海賊起

校訂國史略卷之二

四

五

政右大臣定方如故。○承平元年正月朔諒闇不視朝罷諸節會。○京師多盜命近衛衛門檢非違使每夜巡捕。○七月太上皇崩葬于宇多邑。在仁和寺北大內世稱曰寬平法皇。又曰亭子院帝。○是歲尊中宮醍醐帝為皇太后。罷大嘗舊例以公除凶服而猶服心喪也。○二年詔減服御常膳四分之一。既而再詔復減四分之一。○三年大納言仲平為右大臣。○南海賊起伊國人野先是紫宸殿位版上有犬矢。又大風發屋占者皆曰主兵革。廼下官符於東海山陽山陰等道及丹波國太宰府令嚴兵備。至是果驗。○遣警固使官於諸國。○是歲後唐主明宗殂。後唐明宗及後周世宗共賢主也。故於五代中獨變書法與漢唐宋明同例。其次子宋王從厚立。僅數月而為明宗養子從珂本姓王氏所弒。從珂篡立。不三年

四年

五年

六年

天慶元年
平將門反

遭亂自焚死。後唐自莊宗至是四主。十四年而亡。○四年遣兵庫允在原相安捕海賊。○五年吳越人來朝獻羊。是歲新羅亡。○六年以從四位下紀淑人為伊豫守。追捕海賊賊帥小野氏彥等率眾降南海平。○以左大臣忠平為太政大臣。○是歲後唐明宗之婿石敬瑭稱臣契丹。借其兵以攻潞王從珂。遂勝之。即位于洛國號晉。○八月仲平轉任左大臣。大納言恒佐為右大臣。○天慶元年承平八年夏地大震。冬大雪積過一丈。○二年高麗聘使至太宰府却之。○帝始讀史記在衡侍講。○平將門反。上總介高望之孫也。殺其伯父常陸大掾平國香。以領其國。武藏權守興世王者應之。說曰。今公掠一國罪也。略八州亦罪也。既背名義宜大其志矣。且夫坂東八州所謂天府四塞之

校訂國史略卷之二

朱佳

四

五

純友賊
兵應將

三年

國也據以起兵則霸業可圖也將門喜遂陷下野上野狗武藏
 相摸劫國守奪印鑰兇勢方盛自稱親王一作建都於下總國
 在猿鳴郡石井備偽百官所闕者唯曆博士耳先是純友前伊
 鄉或曰相馬鄉招集海賊劫掠南海山陽二道以應將門
 帝城歎曰我亦皇胤也何可不南面於彼乎相共謀及謂純
 友曰卿藤氏也事成則宜為相國乃東西去至是相應如約
 詔發東西警固使固守三關京師戒嚴○純友執備前介子高
 播磨介島田惟幹○三年遣使伊勢太神宮祈平賊○下
 詔東海東山二道募勇士其殺魁帥者賜朱紫田祿傳之子孫
 斬次將以下者隨勲賞之○遣參議伴保平於伊勢奉御筆
 祝文於太神宮所謂公卿勅使者○命追捕使從四位上忠
 舒東海道從五位上小野維幹東山道左近衛少將小野好古

將門興
世王等
伏誅

平貞盛

山陽道以參議忠文為征東大將軍忠文參議技良之子征東
 而起朝受節乃不歸家而徑發忠文嘗為近衛司每直夜必取
 御廐馬置立枕上曰終夕聽馬嘶物噉噉然乃警我眠其豪爽
 如是時常陸掾平貞盛鎮守府將軍國香之子下野押領使秀
 鄉左大臣魚名等先官軍與將門戰敗之將門與世王及其黨
 七人等伏誅初貞盛嘗詣吏部王王名敦實字多帝會將門經
 過其門從騎甚盛一瞧而入謂王曰憾臣少從者不克殺兇豎
 遺國家患及忠文來討請朝率其家兵與秀鄉戮力攻之
 遂射殺將門以功任鎮守府將軍圖贊曰識鑿夷甫精明復讐
 定坂東先是秀鄉聚強族在東聞將門叛輒詣見之將門方梳
 八國髮喜甚髮不須理衣不及更忽遽出迎秀鄉心已小其躁無量
 既而饌至對食將門下箸飯迸散汚袴輒拂膝拭袴目亂手遽

秀鄉

國風

小野好古

忠文

秀鄉退謂人曰輕卒如彼何能為至是與貞盛同討破之將門

中箭墜馬即進斬首賜田賞其功歷下野武藏兩國守拜鎮

守府將軍子孫多歷此任者圖贊曰候賊豫知成敗受賞新就

祖○是歲秋阿波言賊掠讚岐伊豫等國讚岐介國風奔淡路

乃發諸國兵士分遣警固使既而國風歸讚岐舉兵進討純友

敗走行暴掠土藝周等國又陷大宰府征南海賊使小野好古

葛經之貳及慶幸大藏春實等分兵海陸相攻純友航海而走

急追之擲炬焚其艦艦燃衆潰純友僅以身免還伊豫本國警

固使橘遠保高階作誅之斬首函送京師誅其子重太丸及餘

黨好古圖贊曰策應海寇急警斬獲勞將○東西賊平論賞軍

功忠文獨不與焉衆僉為言參議實賴貞信公忠平之長子即

四年

奸僧日藏

獨執曰疑事不可行其弟師輔九條曰伊既受總督之命而先

時賊平未嘗無遙制之援奈何舍之刑疑勿行賞疑惟行宜從

衆實賴遂不從○冬黑嶋淪沒嶋在出雲國○四年閱近江美

濃兵於右近馬場○太政大臣忠平罷攝政為關白○東寺僧

日藏奏曰臣頃暴死經十三日蘇生會得見某帝連坐燒某

佛寺墮在地獄松苗曰奸僧射利奏妖言誣聖王不恭亡禮

笑凡僧徒所言如是類略有識者雖童幼知其偽妄固不

足辨也而當時失刑于日藏故書之於策以顯其罪耳○松苗

又曰釋教假設天堂地獄又說他力本願所謂善巧方便意在

勸懲愚俗非為君子說之故曰正直捨方便學善者不講而可也

而門人時或詰問故余隨筆麤可錄尾附記天命報施說

冊辨之是正義父和泉守所曾聞于義祖也余亦譯記其略附

之湯之祥題地獄變相圖文後稱源維光曰者是也曩義父

所輯日本文鈔中載之故略不記于此余初名維光字長尊○

五年

五年詔公卿大夫内外五位以上官長秀才明經及第儒士

○五年

石清水
臨時祭

六年

七年

八年

大絃急
則小絃
絕

校正國史略卷之二

各上封事陳得失○有事八幡太神宮世所謂石清水○帝

謁賀茂皇太神宮初桓武帝遷都一謁其後是禮廢今復

行之賽東西二賊平也○六年後晉主石敬瑭卒敬瑭兄子重

貴立○七年大納言實賴為右大臣○秋大風京師官民廬舍多

壞信濃國廳倒守紀文幹壓死○八年左大臣仲平罷尋薨○

帝不豫九年傳位於皇太弟上太上天皇尊號十四年二在

位十七年改元者二曰承平七年天慶九年徙居朱雀院至村

年而崩遺詔莫起山帝性過寬忠平諫之帝曰朕聞政如

張琴大絃急則小絃絕朕若嚴急下民何堪贊曰自藤原仲麻呂反于近江天下

不知兵革幾百八十年而有大同之變嗟哉帝善施機略而

禍難立銷昇平之久殊方異域之所不能及皆祖宗風化之

所被而無風州之警暨乎帝世長鯨短狐東西煽亂檀車四

馳而民不聊生帝之寬裕温厚足以維持人心而反有烽燧
之虞將天生蠶賊以警人主乎抑上下偷安政教廢弛之所致
歟書曰傲戒無虞罔失法度有國皇太弟立是為村上天
皇

村上天皇諱成明醍醐帝第十四子前帝同母弟也天慶

三年冠叙二品累官上野太守太宰帥七年立為皇太弟九

年受禪關白太政大臣忠平右大臣實賴並如故帝年二十

一即位○天曆元年右大臣實賴為左大臣大納言師輔為右

大臣○課試醫學生○是歲吳越王錢弘俶遣使使人姓名獻書

右大臣實賴實賴賜之答書及沙金二百兩卷七蓋我朝將相

與異邦人玉使命往來始于此時答書曰蔣袞再至蓋先是既通好也○晉主石重貴為契丹所

執國亡其臣劉知遠即位於晉陽國號漢更名昺○二年諸儒

二年

天曆元
年
吳越王
錢弘俶
獻書右
府實賴

校正國史略卷之二

村上天

卷七

五車樓梓

三年

貞信公

延喜式

校正國史略卷之二

及第○定儉約法議減物價○三年紀在昌講史記○太政大

臣忠平薨贈正一位封信濃公謚曰貞信忠平博學精通律令

延喜式五十卷奉勅所撰醍醐帝延長五年編成進奏之○是歲後漢主劉

暠死子承祐立四年其臣郭威反承祐遂為亂兵所弑漢將

士推郭威為主國號周漢僅二世四年而亡○使大江朝綱攝

直幹菅原文時大江維時等諸博士選古今詩命小野道風書

之屏風巨勢金岡玄孫公忠畫其像後帝又使朝綱文時二

別封上帝登之則同采送蕭處士遊黔南之作帝嘆曰○

四年十月之首置殘菊節醍醐帝以九月登遐故廢重陽節

至是代以此節今年用十月初八日以後用五日○五年置和

歌所以左近衛少將伊尹為別當掌之勅源順大中臣能宣

四年
殘菊節
五年
和歌所

後撰

七年

八年

橘直幹
申文

清原元輔紀時文坂上望城等撰和歌集謂之後撰五人各以

當時在梨壺撰之故○七年吳越王錢弘俶遣使獻書右大臣

師輔報書曰人臣之道交不出境然辭之恐謂嫌蘭契強以容

納只感君子親仁之義云云答書皆三品○八年先是橘直幹

長門守長為文章博士先例文章博士皆兼他官直幹自作申

文倩小野道風書而進之其略曰拜除之恩惟一榮枯之分不

同依人異事雖似偏頗代天授官誠懸運命帝初覽不悅至

後云簞瓢屢空草滋顏淵之巷藜藿深鎖雨濕原憲之樞歎曰

一世文士也窮乃至此亦朕過矣即任民部大輔直幹文道風

帝深重之後禁中火上避幸冷泉院待臣出寶○是歲周主

郭威死養子榮立是為世宗榮者威妻兄柴守禮之子也○十

十年

校正國史略卷之二

村上

五十三

五車樓

年夏旱 詔減省服御常膳廐馬秣穀等高年鰥寡孤獨不能

自存者量加賑贍又免五畿七道諸國天曆五年以往調庸逋

負○天德元年春設內宴召文人賦詩以宮鶯轉曉光為題

天德元年
菅文時
善詩文

云露農緩語園花底月落高歌御柳陰以為壓卷及菅原文時

作云西樓月落花間曲中殿燈殘竹裏音帝悵然謂不可及

因命文時評御製文時曰聖作神妙臣等誠不可企但題

已賦宮而園不特宮中則不知上句以何見宮字意帝笑曰

園即朕宮內耳帝亦問朕作與卿優劣何如不直則道不見

勿有所隱文時曰聖製固優帝曰不應爾因顧左右曰若

所不盡言者異日所奏都停勿受蓋為恐嚇欲其吐實文時曰

實可稱持帝強令詛誓文時曰臣詩實犯帝坐升一等乃

逃帝愈感賞松苗按左傳正義奕棋謂不能相害為持○先

是帝遊冷泉院以花光水上浮為題勅文時作序屢促不

成及乘輿將還斬成獻之帝使雅材讀之停駕聞之序

中有誰謂水無心濃艷臨兮波變色誰謂花不語輕漾激兮影

動唇之句帝大感賞○是歲右少辨菅原文時上封事其一

再開盛宴以到天明

請禁奢侈略曰俗之凋衰源自奢侈不塞其源何救其俗方今

高堂連閣貴賤共壯其居麗服美衣貧富同寬其製官途締交

之儲窮海陸而盡珍私門求媚之饋剪綾羅而觀器富者傾產

業貧者失家資傳云上之所為人之所歸吳王好劍客百姓多

瘡瘡楚王好細腰宮中多餓死餓與瘡是人之所惡然尚如是

朝廷實能惡奢好儉天下誰不從其所好乎其二請停賣官略

曰量能授官官乃理擇材任職職乃循若不量而授不擇而任

則謂之謬妄方今任授之道非不正黜陟之規非不明然時有

以財官人以為助國用於是功勞之臣自退聚斂之輩爭進昔

漢館陶公主為子求郎孝明不許而賜錢十萬所以輕厚賜而

重薄位者何耶以官非其人則害及百姓也降逮桓靈開邸賣

官皇綱遂紊王業乃衰歷訪漢家之典略考皇朝之記未有

文時上
封事

賣官而敦俗鬻職而安民者矣。若憂國用每事必行儉約。儉約能行貨財何乏。利欲之情自減。正廉之路漸開。其三請不廢。鴻臚館懷遠人。勸文士略曰。鴻臚館者為外賓所置也。頃年所司不能修造。漸將荒廢。若使歸化之國慕德之人聞之。或謂君恩薄。或謂國用乏。加之故事。蕃客朝時饗之。錢之必使賓主鬪筆。因茲詞人才子心期對。蕃漢競文藻。夫文章經國之大業。不朽之盛事也。伏望深圖遠慮。勿廢此館。然則遐方不離心。文士無倦業。是即示海外以懷柔之仁。耀天下以郁文之華也。○二年。山城守小野道風兼任近江權介。自上表所請也。帝賞其文。授之。○皇孫經基王薨。王清和帝第六子。貞純親王之子也。世稱六孫王。勇而有謀。便弓馬。天慶之亂。從小野好古討賊。純友有功。

二年
小野道風
六孫王

四年

平安城
始災
神鏡不
焚

應和元年

歷任諸國為鎮守府將軍。後天德賜姓源家。世任將帥。和瓊林清授賜源姓。分派滋旗幟。咸尚色白。玉爪牙。永奕奕。○二年。廢延喜通寶錢。鑄乾元大寶錢。○四年。右大臣師輔薨。大納言顯忠為右大臣。○秋。禁中火。桓武天皇定鼎以來。至是十三世。平安城始災。累世寶器文籍等多焚。温明殿神鏡自飛揚。懸于南殿櫻樹上。內侍承之於袖。以得免焉。是後稱神鏡為內侍所帝避火。神嘉殿。又遷太政官朝所及冷泉院。帝世官舍屢火。先是天曆四年。朱雀院。七年。神祇官後廳。天德元年。神祇官舍。同年。大舍人廳。并四門二年。二條院。是歲。冬。大舍人寮。康保二年。雅樂寮。及樂器。同年。兵庫寮。及累世古兵器。皆焚。蓋當時盜多。故也。令檢非違使。及諸寮武官。行夜。○是歲。周世宗殂。子梁王宗訓立。年七歲。僅半年。軍士推其臣趙匡胤為主。國號宋。周三世實。二姓十年而亡。○民間訛言。平將門子匿在京師。命檢非違使及源滿仲等搜索之。○應和元年。正月五日。百

官叙位以是日著為恒典。○詔賜造宮諸國今年田租之半。○

二年奉幣於太神宮兼謝建心柱建心柱神宮所建中心也。○康保元年中宮崩諱安子右大臣師輔之女也立其妹為

中宮諱登子嘗為皇兄重明親王之妃此時親王既薨而寡幸顏王貌帝深寵之

漸怠朝政。○是歲栽櫻樹於紫宸殿南階東明年栽橘樹於階

西。○二年帝幸朱雀院御栢梁殿皇太子侍坐觀左右馬

寮騎又召文臣四十人獻詩親試擬文章生。○三年大納言源

高明為右大臣。○四年天皇崩在位二十一年改元者四曰

天曆十年天德四年應和三年康保四年葬於葛野村上山陵故稱村

帝天資明敏夙好文學嘗在藩邸使近臣選近代律詩名家十人所作

名曰日觀集御製詩文亦傳于世好詠和歌鬪篇詠于內殿

太神宮
心柱
康保元
年

左近櫻
右近橘

二年

三年

四年

始自帝最善琵琶寬裕溫恕恩無偏倚嘗問左右曰世謂朕

如何主對曰通衢皆言頗緩也帝曰然則知非謗言在上不

寬古之聖誠也最留意政事又嘗見一老吏密問當今與前

朝廷喜之時異同得失吏曰無異上切問再三令以實奏吏

乃拜伏曰微賤下吏奚敢分辨唯覺主殿寮多進燎燭率分堂

生草耳大藏省所納之物割十之一為別納蓋謂劇務至夜歲

貢少輸也帝有愧色爾後益勵治時論謂德亞醍醐後世

言治者必稱延喜天曆贊曰帝王之學莫大乎誠意正心而賦

群品其必有志於聖賢之學而時無不甘盤博說之臣故其所講

不過詞藝之末技而聖賢授受之要未之或聞也使帝用力

於帝王之學則其所成就豈特止於如是而已哉然帝天質

言之延喜天曆之政可與漢氏東京建武永平比隆宜乎後世稱為至治也

源延光

雅材

魚水之遇延光忽覺 上有疎待之色數日未得其謂懼不朝
 俄而召見 上曰一學生雅材者甚有文章何以至今不奏為
 郎任卿何事延光遽奏雅材為郎延光即把大納言雅材信
初貧獨未見知俄召為郎時宿或人婢舍齎詔使 帝又嘗
索至其家 帝閱其落魄賜內府諸物令具裝而朝
 謂延光曰相得如是朕百歲後卿儻有憶邪延光曰 天恩罔
 極不可暫忘 帝曰時或應思爾豈常不忘哉延光曰千秋万
 歲後臣願終身不釋喪以為刻心之符晏駕後遂服終身 後帝
 時或不得已猶素服從事 後帝亦每見垂淚 ○皇太子立是
 為 冷泉天皇

冷泉天皇諱憲平 先帝第二子母 中宮諱安子右大臣師
 輔之女天曆四年生僅三月立為 皇太子 先帝升遐之夜

即位於紫宸殿

安和元年二年

群臣詣襲芳舍太子所在奉以劍璽乃踐祚左大臣實賴為關白是
 冬 帝即位於紫宸殿時年十八自在東宮罹病未愈以故不
 能備儀於大極殿紫宸殿即位昉于此關白實賴為太政大臣
 右大臣源高明為左大臣大納言師尹為右大臣 ○皇弟為平
 先帝第二子 先帝所愛而為高明之婿以 帝即位舊病未愈人
 人謂立為 皇太弟實賴會與高明有隙矯稱受 先帝遺詔
 立 皇弟守平先帝第五子為嗣 ○始頒延喜式 ○定諸國交替使
 ○安和元年詔以 先帝忌月廢端午節 ○以右大臣師尹為
 左大臣大納言在衡為右大臣 ○二年三月左馬助源滿仲前
 武藏介善時等上變曰左府密與源繁延中務少輔同謀廢 帝而
 使 皇弟為平即位實賴乃劾貶高明為太宰權帥圓融帝天
祿三年歸

冷泉 五車樓抄

京竄繁延于土佐其黨前相摸權介千晴僧蓮茂等亦被遠謫
 遂焚高明邸 詔諸國捕其黨中外驚擾殊甚高明博學通典故嘗著西宮記
 或謂高明無反心實賴與滿仲謀以誣告○秋大風雨宮門官
 舍多壞○帝因病時或發狂 中宮嬪御其他近侍者疑懼不
 自安一日 帝欲視神璽方啓函函中白雲起 帝驚棄去內
 侍遽取納之內侍紀氏昌子 ○帝在位二年傳位於 皇太弟以
 多病也遷冷泉院上尊號曰 太上天皇一條帝寬弘八年上崩于南院葬于櫻
 本寺前野贊曰律令格式所以為治之具也守而弗失則雖中材之主猶足以主社稷養民人焉 帝心疾似陽成而無廢立之患時屬昇平政令修舉豈非制度大定而治具其畢張之効歟 列聖勵治之德至是益可貴矣 皇太弟
 立是為 圓融天皇

圓融天皇諱守平 前帝同母弟也康保三年受御注孝經於

天祿元年

清慎公

左大臣在衡

二年三年 謙德公

弘徽殿皇子讀書以孝經為始者恒例也 一安和二年受禪說云受蒙求於大江齊光今從紀略
 詔太政大臣實賴攝政○天祿元年右大臣在衡為左大臣大
 納言伊尹為右大臣○攝政太政大臣實賴薨年七十一贈正
 一位封尾張公謚清慎於是右大臣伊尹攝政○左大臣從二
 位在衡薨在衡中納言山蔭之孫但馬守有賴之子以學累進
 前識過人每有 帝問應對明詳覈據典故未嘗有窮每朝車
 中行且披覽一書及入承顧問必其書事也又恪勤見稱一日
 風雨甚衛士相謂設是在衡恐不得朝言未畢雨衣滲瀝衝冒
 乃至薨年七十九贈從一位號曰粟田公起自儒家登台鼎者此公
 唯○二年石清水臨時祭著為永式○三年右大臣伊尹薨
 贈正一位封參河公謚謙德○四年以關白內大臣兼通之女

天延元
二年

兼通

貞元元
年

二年

為皇后。○天延元年有盜焚源滿仲之家延燒三百餘戶滿仲自射殺其首搜索餘黨不得乃命武士防衛宮闕。○二年內大臣兼通為太政大臣乘輦朝參兼通伊尹之弟也初為參議之時其弟兼家為中納言後為中納言兼家既任大納言乃深憤弟超兄而視猶寇讎與從兄右大臣賴忠相議奏請不歷大納言直進內大臣尋為太政大臣時帝年十五不曉其專輒兼通威權日熾構邸于堀川制擬宮闕土木壯麗冠絕古今謗者罪之道路以目時人竊語曰寧見乳虎無值兼通之怒。○貞元元年禁中火帝與中宮避火幸太政大臣堀川邸。○夏六月地大震宮城垣墻及神祠佛寺民家等多壞壓死者無數。○是歲宋太祖殂長弟匡又立改名光義是為太宗。○二年兼

源雅信

通矯詔使源兼明罷左大臣天祿二年所任陽尊以為親王任中務卿親王醍醐帝第二子自幼聰明好讀書以才識所稱帝賜姓源累進至左大臣名勢日加兼通忌之與以寵號實奪其權乃以賴忠轉左大臣。○秋帝還新宮。○以源雅信為右大臣雅信寬平皇孫號曰一條任官朝事克治不減老吏人問其故雅信曰我以不才尸素宗籍世事人情未嘗歷試乃自散列時每班朝位必先入後人退默而習者多年乃亦得知一二。○是冬兼通薨師輔第二子封遠江公謚曰忠義兼通病革時門有車聲門者通云公弟大將兼家至公平日不協聞之蹶然喜曰嘻吾今臨盡吾弟尚有懿親之情疇昔之閱誠復可忘顧當相見永訣且語執政讓代之意耳扶起而遲俄云車徑過入禁門兼通大忿耻

天元元年

三年

四年

五年

乃起命車馬著朝服而入時兼家以為兼通已薨欲速奏請代
 事既在上前忽見愕避兼通聲色甚惡乃跪奏曰臣今將終
 願一奏除目即令賴忠代執政奪兼家大將以濟時充闕行訖
 便歸第而薨○天元元年以兼家之女詮子為女御先是兼通
 之女立為中宮故他女不得召以去年兼通薨始得入宮既
 而生皇子兼家乃為右大臣○三年賴忠之子公任在清
 涼殿元服○同年皇宮再燒○四年禁中復火帝幸堀
 川邸蓋因多盜放火命檢非違使嚴追捕之○從三位右少辨
 菅原文時薨文時右大辨高視之子天滿天神之孫也世稱菅
 三品事往往見前○五年延曆寺僧慈覺三井寺僧智證等黨有爭
 遂動干戈將相殺命平恒昌平定之○山僧單稱山者奮然適

永觀元年
源順

二年

奮然對以皇統一系萬世不革宰輔以下諸臣亦皆世家等
 事太宗乃嘆美曰是蓋古之道也○永觀元年從五位上能登
 守源順卒順弘仁帝四世之孫也博聞強記工詩文妙和歌
 而官不達作無尾牛歌以寓其意帝見愍之為能登守所著
 有和名鈔等書○帝在位十五年改元者五曰天祿二年天延三年
 貞元二年天元五年永觀二年冷泉上皇帝已讓位稱後太上天皇以別三
 山陵側從遺詔也讓位於皇姪是為花山天皇
 花山天皇諱師貞冷泉帝第一子母皇太后諱懷子攝政
 師尹女也永觀二年冬帝年十七即位○關白太政大臣賴
 忠左大臣源雅信右大臣兼家並如故○先是太宰府有私帶

交王國...

花山

山

...

年寬和

兵者。帝即位僅十日。府中無敢帶者。○弘徽殿妃薨。妃名恒子大納言為光之女也三千寵愛

承之。身稱曰麗女御。帝所愛幸。意佳人難再得。不勝悲哀。至致昏迷。遂懷脫屣之志。寬和二年夏。帝偶見左少辨道

兼所持扇。有題云。妻子珍寶及王位。臨命終時不隨者。帝覽

悚然。追慕亡妃不已。道兼因說理無常。助其哀情。帝益決道

志無幾。帝與道兼謀。欲乘夜潛幸花山元慶寺。在宇治郡北花山村其

夕月色殊明。帝難其揭焉。有猶豫之色。道兼奏曰。璽劍已奉

東宮矣。先是道兼密送。東宮故云爾。頃之雲翳月光。帝曰。

吾志成矣。遂出。出自貞觀殿小門已而遺亡妃書。有密情者。欲反入取

之道兼。詐泣曰。如許恐有事障。帝亦以其不可。中止。遂道

兼與僧一人從焉。人無知者。俗傳是時路過安倍晴明宅。晴明適獨避暑於庭。忽拍手駭曰。變變

仰見禪象。天子避位何哉。帝行聞而走。帝祝髮為

清明便入。奏急變於宮中。始知帝不在其明。

僧法諱曰。入覺中納言義懷。左中辨惟成。奔到行在。相見大驚。

共同棄世。道兼詐泣曰。已奉。聖約。願歸面辭。父母而後來。給

事薪水。乃去。不來便仕。後帝數月升進。帝懊悔其率爾。又

知道兼詐譎。而憤怨焉。東宮即。一條帝是。前朝圓融太

后所生。道兼者。太后兄弟之子也。實欲。東宮早得其所。故誘

成。帝遜焉。義懷是謙德公。九條子其姊為。帝之母。后外戚

門地。已在要路。從。帝入。釋時人。且謂志不可保。遂不再出。確

終其守。惟成者。雅材之子。自永觀末。國政無紀。及。帝即位為

左中辨。朝政漸正。惟成之力為多。二人遁世。世頗惜焉。帝亦

即位之始。詔公卿百官。明經儒士等。上封事。進諫言。至是志業

不遂在位二年改元者一曰寬和帝既為僧居元慶寺持律精
戒歷遊名山古刹幸野備極艱苦作歌自歎如是數年志
操稍變遂入京居外祖母家頗近婦如常畏關白道長欲得其
歡心道長子賴通為春日祭使會天大雪道長念之作歌
皇聞之亦作歌慰之道長大喜以故奉承周密法皇性有巧
思宮室器玩製造之奇出人意外之意表又好和歌御選有拾遺集
至一條帝寬弘五年崩于花山院葬于紙屋川上法音寺北
從遺皇太子立是為一條天皇

國史略卷之二終

